

AWEMainta

E DIFERENCIA DEN NOTICIA

Varios punto clave den combersacion




2

7
Gobernacion Strategico
Mas leu cu ciclonan politico

8
**Libertad di expresion no ta un
permiso pa informacion erroneo**

15
**Situacion di Papa
Francisco ta critico**




Awo cu 2 florin mas, bo por gana e **MEGA PLUS**






* Afl. **3.750.000,-**


* Afl. 2.450.000,- + Afl. 1.300.000,-
extra

Sorteo ta hunga diamars 25 di februari 7:45 pm



HUNGA AWO



STOP Searching for Content!

Find and access content based on what it is, not where it is saved

M-Files
Document Management

- Cloud, On-Premises, or Hybrid
- Automated Workflows and Security
- Seamless Integration with: Microsoft Office,
- Dropbox, GoogleDrive, DocuSign, AdobeSign

VCC
International NV

Tel. 583-7072 | info@vcc-int.com | www.vcc-int.com

Formacion di Gobierno na Aruba:

Progreso y puntonan clave for di combersacionnan cu stakeholdernan

E formadornan, Mr. Mike Eman (AVP) y Mr. Gerlien Croes (Futuro), ta den pleno combersacion cu diverso gremionan como parti di e formacion di gobierno. Den e combersacionnan aki ta discuti puntonan clave sectoral y prioridadnan di maneho. Diamars ultimo, e formadornan a duna Gobernador un update di e situacion, incluyendo nombrenan di ministernan proponi, cu actualmente ta bou di screening. Gobernador a pidi pa finalisa e formacion y screening mas tarda dia 13 di Maart.

Temanan Importante for di e Combersacionnan

For di e combersacionnan cu stakeholdernan, algun puntonan clave a surgi cu por sirbi como puntonan central pa e maneho di gobierno den futuro:

Turismo y Sostenibilidad:

Tanto Aruba Hotel and Tourism Association (AHATA) como Aruba Tourism Authority (ATA) ta enfatisa cu Aruba mester di un strategia di turismo cualitativo en bes di un enfoke riba cantidad. Esaki ta nifica enfoca riba bishitantenan cu ta gasta mas y contribui na economia local, sin sobrecarga infraestructura.

Un miho balansa entre desaroyo turistico y bienestar di comunidad local ta wordo considera esencial.

Mercado Laboral y Scarsedad di Trahadado:

Organisacionnan di dunadonan di trabou y sindicatonan ta adverti pa un scarsedad serio di personal den varios sector, for di turismo te cu salubridad publico y companianan di utilidad.

Ta wordo pidi pa proceduranan di permiso di trabou mas rapido y eficiente y un maneho di imigracion structura pa yena vacaturanan.

Siguridad Social y Pensioen:

SVb a presenta un raport riba posicion di entrada di personanan di edad, unda ta pidi pa revisa e sistema di AOV pa evita pobreza bou di personanan di edad.

APFA ta enfatisa e necesidad pa modernisa e sistema di pensioen mas ainda y adapta miho na e composicion di poblacion cu ta cambiando.

Salubridad Publico y Financiamiento:

Horacio Oduber Hospital (HOH), Instituto Medico San Nicolas (ImSan) y e sindicato di specialistanan medico (ASHA) ta indica e scarsedad serio di specialistanan y enfermeronan, parcialmente causa pa competencia cu Hulanda y otro paisnan unda salarionan ta mas halto.

Ta wordo considera un posibel aumento di salario y miho colaboracion entre hospitalnan pa spaar gastonan y mantene cuido accesibel.

Mercado di Vivienda y Calidad di Bida:

E prijsnan di cas cu ta subiendo y e influencia di huurmento di termino cortico riba mercado di vivienda ta un fuente di preocupacion. Ta wordo pidi

pa regulacionnan mas estricto pa haci mercado di vivienda mas accesibel pa residentenan local.

Posibel solucionnan ta inclui restriccionnan riba cumpramento di casnan pa huurmento di vacacion y stimula construccion halto pa aumenta e inventario di vivienda.

Companianan di Gobierno y Bestuurschap:

Sindicatonan di companianan di utilidad (WEB, ELMAR, SETAR) a expresa preocupacionnan tocante e impacto di Landsverordening Normering Topinkomens (LNT), cu ta haci dificil pa atrae personal cualifica.

Ta wordo pidi pa un enfoke mas empresarial den companianan di estado, unda interferencia politico ta wordo limita pa mehora eficiencia y posicion competitivo.

Siguridad y Ordo Publico:

Sindicato di polis SPA ta enfatisa un scarsedad di agentenan y material. Ta wordo papia di un falta di personal di por lo menos 300 polis, locual ta complica e combate contra criminalidad.

Sindicato di bombero SINBA ta urgi pa estabilidad den maneho y un expansion di personal.

Enseñansa y Preparacion pa Mercado Laboral:

Sistema di enseñansa ta enfrentando un scarsedad di maestronan, specialmente den enseñansa profesional.

SIMAR, e sindicato di maestronan, ta indica e necesidad di aumentonan di salario y miho condicionnan di trabou pa haci e profesion mas atractivo.

Ademas, ta wordo pidi pa miho colaboracion entre institucionnan di enseñansa y sector empresarial pa prepara hobennan miho pa e mercado laboral.

Bista pa e Combersacion cu Gobernador

E combersacionnan cu stakeholdernan a duna un bista amplio y profundo di e retonan cu Aruba ta enfrenta actualmente. E formadornan mester awor fiha prioridadnan y desaroya proposicionnan di maneho concreto cu ta real-isabel dentro di e posibilidadnan financiero y administrativo di e gabinete nobo.

Den e siguiente encuentro cu Gobernador, probablemente lo presta atencion na:

E progreso di e screening di e candidatonan pa minister.

Posibel prome medidanan di maneho basa riba resultadonan di e combersacionnan cu stakeholdernan.

E viabilidad di reformanan riba termino cortico y largo.

Cu e limite di dia 13 di Maart na bista, e siguiente periodo lo ta crucial pa forma un coalicion stabil y redacta un acuerdo di gobernacion cu ta atende e necesidadnan urgente di e sociedad.

Lider di MEP ta dunando politica un cara nobo y sin igual

NINGUN pais den Reino Hulandes a yega di conoce un politico cu asina creatividad manera e actual lider di MEP y Prome Minister demisionario, Evelyn Wever-Croes, kende ta riba un campaña increibel y sigur insolito.

Insolito pa e motibo cu nunca antes of desde Aruba a haya su Status Aparte, un lider politico a yega di ehecuta “kuntjes” politico manera cu Evelyn a bin ta haciendo desde inicio di aña nobo aki, haciendo declaracionnan cu kisas su mes no ta kere aden pero lo ta cargando e speransa cu pueblo si lo kere esakinan.

Nunca antes tampoco na Hulanda, a yega di sosode c’un lider politico cu ainda ta gobernando e pais den calidad demisionario, na mes momento ta hibando oposicion como miembro di fraccion di MEP den Parlamento na e forma con Evelyn ta haciendo esaki.

Ta bon pa muestra cu un gobierno demisionario solamente por atende asuntonan coriente y no tuma ningun medida cu ta mara e gobierno nobo entrando pero e lider di MEP a dicidi di biaha pa Hulanda, segun su declaracion, negocia pa e proximo coalicion nobo, anto pretende cu esaki ta mas cu normal cu e por haci esaki.

Diabierna ultimo segun e Lider di oposicion pero tambe e Lider di e gobierno demisionario na mando, ta insisti pa papia riba e concepto di presupuesto 2025, cu su gobierno cu ta demisionario a manda pa Parlamento y cu ainda Presidente di Parlamento no kier yama e reunion aki.

Evelyn ta toca y baila na mes momento insistiendo pa papia y opina riba un desaroyo cu su gobierno demisionario ta fayando barbaramente cu’ne pero kier pretende cu gobierno Hulandes ta rabia cu gobierno di Aruba, (cu ta gabinete Wever II di dje mes) ya cu e presupuesto aki mester a wordo aproba pa dia 15 di December di 2024.



Parlamento nobo a huramenta dia 8 di Januari di 2025 pues como bon lider politico y lider di su gobierno demisionario, Evelyn tabatin tur tempo di mundo pa regla e asunto di presupuesto 2025 cu Parlamento, mas ainda dor cu for di 2017, ta riba un ordo Presidente di Parlamento ta yama reunion.

Awor lubidando tur e historianan aki, e Lider di MEP y Prome Minister demisionario kier discuti riba kico Hulanda kier, kico CAft ta desea y kico Consejo di Ministernan di Reino lo a dicidi diabierna ultimo.

Pa un politico pretende di a biaha pa Hulanda pa negocia cu gobierno Hulandes riba RAft of LAft y otro asuntonan manera formacion di gobierno nobo cu ta tumando su tempo, ta mescos bisa cu na Hulanda ta politiconan “nobato” so ta existi cu no sa kico nifica e rol of poder di un gobierno demisionario.

Dialuna ta un bon dia pa e lider di MEP ordena su lider di fraccion di MEP, Hendrik Tevreden, dirigi un carta na Presidente di Parlamento Gerlien Croes, pa yama un reunion pa asina trata presupuesto 2025 y asina su persona coregi e eror aki crea pa su gobierno demisionario.

Nunca antes e cosnan aki a yega di sosode den politica di pais Aruba y ta un forma di hiba politica nobo tanto como lider di oposicion como lider di e gobierno demisionario na mando.



Un amistad cuestionabel

John van den Heuvel y e buki di Joran van der Sloot

TIN hopi consternacion den mundo di media despues cu a sali na cla cu John van den Heuvel, un periodista criminal renombra, a skirbi un prologo pa un buki di e Hulandes notorio Joran van der Sloot. Aparentemente, tin duda si Van den Heuvel ta haciendo placa cu esaki.

Desapunto y duda

Hopi hende ta sinti nan mes desapunta. Nan ta critica John van den Heuvel pasobra nan ta pensa cu door di skirbi e prologo, e ta yuda un asesino gana placa. John mes ta nenga cu e ta ganando placa cu e buki, pero Victor Vlam, un critico di media, tin hopi duda. E ta haya cos straño den e asunto aki.

Un editorial straño

Victor a descubri algo particular. E editorial cu ta publica e buki di Joran van der Sloot, ta mesun editorial cu ta publica e bukinan di John van den Heuvel.

Ta un editorial chikito, EzoWolf. Victor ta puntra su mes con un prizonero den un prison Peruano por a yega na un editorial asina chikito na Noord-Holland. E ta pensa cu John van den Heuvel mester a hunga un rol den esaki.

E rol di intermediario

Victor ta sospecha cu John, como cu e conoce Joran, a actua como un intermediario. E ta kere cu John a conecta Joran cu e editorial. Esey ta lanta mas pregunta, pasobra ta dificil pa kere cu John a haci tur esaki sin ningun beneficio financiero.

Dificil pa kere

"John a skirbi un prologo impactante, y el a conecta Joran cu e editorial. Un di e dosnan so, lo mi por a acepta como un servicio di amistad. Pero tur dos, sin ningun interes financiero... esey ta dificil pa mi kere," Victor ta bisa. E ta admiti cu e no tin prueba concreto, pero e ta haya masha dificil pa kere cu John no ta ganando nada cu e buki aki.

Sospecho ta persisti

Lars Duursma, co-anfitrión di Victor, tambe ta haya posibel cu John van den Heuvel ta comparti den e ganashi di e buki, indirectamente. E cuestion ta lanta hopi pregunta y ta pone hende duda den e integridad di un periodista hopi respeta.

Fuente: MediaCourant

GET INTO THE HOTTEST EVENTS

GET YOUR TICKETS ON PAY.AW

The image is a promotional advertisement for the Pay.AW app. It features a vibrant background of a festival with people clapping and confetti falling. In the foreground, a smartphone displays the app's interface, which includes a search bar, a list of events with details like price and date, and buttons to 'Book Now' or 'View Details'. The events shown are 'FAKKEL 2025' and 'CARNIVAL 71'.



DOWNLOAD NOW



pay.aw

SUPER
Do it Center.

È (ERBES DI
(CARNAVAL 71!



MAS GRANDI, MAS BARATA!

E realidad tras di e carganan financiero di Aruba

NA Merca nos ta wak hopi movecion politico y criticanan riba e presidente, pero notablemente e sosten pe ta keda relativamente stabiel. E motibo? E ta simplemente ehecuta loke el a priminti den su campaña electoral. Kisas esaki ta un practica cu na Aruba tambe merece mas atencion. Pasobra sin importa cua gobierno ta sinta, un cos semper ta keda mescos: e pueblo ta paga e cuenta.

Discusionnan Politico, Pero Un Hecho Ta Keda Constante

Aruba awendia ta mas dividi cu nunca. Discusionnan tocante ken tin rason, ken ta corrupto y ken realmente ta traha pa e pais ta sigui tur dia. Toch tin un punto riba cual nos como sociedad ta di acuerdo: na final ta e ciudadano ta esun cu ta carga e gastonan. Esaki ta visibel den tur aspecto di bida diario—for di aumento di belasting manera e ahuste di BBO, te na gastonan adicional na banco, aumento di tarifanan di importacion y medidanan economico cu hopi biaha no ta resulta den beneficio di e ciudadano comun.

E Carganan Scondi di e Poblacion

E presion financiero riba e poblacion di Aruba no ta bin solamente di belastingnan directo, pero tambe di gastonan scondi cu ciudadanonan tin poco of ningun influencia riba nan. Por ehempel, cuantanan di hospital impaga di migrantenan indocumenta na final ta wordo paga for di e caha di gobierno, mien-



tras cu ganashinan di multinacionalnan hopi biaha ta bandona e isla sin cu e sector comercial local ta beneficia di esaki. Ademas, beneficienan di belasting (tax holidays) pa companianan grandi ta pone cu e empresario Arubiano promedio no ta haya oportunidadnan igual, locual ta resulta den prijsnan halto y un poder di compra cu ta baha. Finalmente, maneho ineficiente y falta di bon liderazgo ta conduci na consecucionan financiero cu ta bira visibel despues, pero semper ta wordo pasa pa e poblacion.

Ken Ta Carga e Peso Real di Maneho?

E enfoka di hopi discusion politico na Aruba ta riba ken ta e culpabel, ken ta corrupto y ken si of no a traha. Pero mientras cu e debatenan aki ta continua, e problemanan structural ta keda

existi: no ta e politiconan ta paga, sino e ciudadano. Si un minister no ta funciona bon, ta e ciudadano ta esun cu ta paga pa e daño. Si erornan di maneho wordo haci, esaki ta wordo drecha cu belasting adicional, heffingnan y aumento di prijs.

Locual ta falta den e debatenan aki ta un conscientisacion mas amplio: e elite politico y economico mayoria biaha ta keda proteha, mientras cu e ciudadano comun ta sinti e consecucionan di cada decision di maneho. Mientras cu no tin reformanan fundamental den con e sistema financiero di e pais ta wordo maneha, e ciclo aki lo sigui ripiti.

Un Yamada pa Realismo y Responsabilidad

Aruba tin mester di menos division politico y mas esfuerzo conhunto pa atende problemanan structural. No ta suficiente pa simplemente critica gobierno—mester wak con maneho ta wordo financia y ken na final ta paga e prijs. Conscientisacion bou di e poblacion y transparencia den finanzas publico ta esencial pa sigura cu e carganan ta wordo reparti mas husto. Pasobra mientras cu e ciudadanonan no ta existi activamente pa e sistema cambia, e patronchi ta keda existi: ken cu ta goberna, e pueblo semper lo paga.

Ban Fort Lauderdale

BOOK MESORA! spirit.com

spirit

AUA
ARUBA AIRPORT AUTHORITY

Gobernacion Strategico: Mas leu cu ciclonan politico



DEN politica Arubano, continuidad ta parce mas un riesgo politico cu un punto di salida strategico. Cada bes cu un gobierno nobo ta drenta, cantidad di proyecto andando ta wordo para of revisa, hopi biaha no basa riba argumentonan di contenido, sino simplemente pa motibo di nan origen politico. Aunke e practica aki no ta universal, e ta mina structuralmente e continuidad di maneho, estabilidad economico y eficiencia institucional. Esaki ta conduci na e pregunta: Con Aruba lo ta si lidernan politico ta comporta nan mes menos como rival y mas como gobernantenan responsabel?

E Impacto di Discontinuidad Politico

E kibramento of restructuracion consistente di maneho andando tin consecucionnan di largo alcance. E ta nifica desperdicio di fondonan publico, retraso den desaroyo di infraestructura y incertidumbre cerca empresarionan y inversionistanan. Un proyecto cu a tuma añanan di preparacion, tin biaha ta desaparece den algun luna despues di un cambio di gobierno, simplemente pasobra e no a wordo inicia pa e partido corecto. Esaki no solamente ta causa ineficiencia, pero tambe ta mina e confiansa di ciudadanonan y empresanan den e predictibilidad di maneho gubernamental.

Profesionalismo Politico vs. Interes di Partido

Un democracia madura ta rekeri cu formuladornan di maneho ta tuma decisionnan basa riba un vision strategico a largo plaso, no riba consideracionnan politico di partido. En bes di wak cada proposicion di maneho como un iniciativa partidario, lidernan politico mester adopta un postura profesional y evalua maneho riba efectividad y relevancia social. Esaki ta nifica cu incluso iniciativanan cu a wordo cuminsa pa un gobierno anterior mester wordo

evalua riba nan meritonan, no riba nan origen politico.

E Peliger di Enfoke Politico y Propaganda

Historicamente, partidonan politico tin interes den minimalisa of hasta nenga e logronan di gobiernonan anterior. Esaki hopi biaha ta wordo reforsa pa propaganda politico y medionan di comunicacion partidario, distorsionando e percepcion publico. Esaki ta crea discusionnan den cual gobiernonan no ta wordo evalua riba resultadonan concreto di maneho, sino riba retorica emocionalmente carga. E riesgo di esaki ta cu e electorado ta wordo engaña structuralmente, causando cu comportacion di voto ta wordo basa riba percepcion en bes di hechonan.

Un Bista Mas Amplio riba Estabilidad Gubernamental

Aruba tin mester di continuidad di maneho structural y un cultura gubernamental enfoca riba resultadonan a largo plaso. Esaki ta nifica cu gobiernonan, sin importa nan composicion politico, mester enfoca riba fortalecimiento institucional, diversificacion economico y desaroyo sostenibel. Esaki ta rekeri no solamente ciudadanonan critico cu por wak mas leu cu e enfoque politico, pero tambe un liderazgo politico cu ta dispuesto pa traha hunto strategicamente den e interes di e pais. Na final, e meta di cada gobierno mester ta: un Aruba mas fuerte y stabiel, independientemente di ciclonan politico di partido.

SUNSET GRILLE

Where Classic Delights
Serve Modern Twists

20% off
for locals*

*Offer is valid for local residents with a local ID. Limited to a maximum of 12 persons. Bottles are not included in this offer.

Open Daily 5:30 pm – 10:30 pm

J.E. Irausquin Blvd. 81, Palm Beach | hiltonaruba.com | [@hiltonaruba](https://www.instagram.com/hiltonaruba)
+297-526 6612 | AUAHH_SunsetGrille@hilton.com

Libertad di expresion no ta un permiso pa informacion erroneo

DEN un sociedad democratico, libertad di expresion ta un derecho fundamental. Tur hende, sin importa nivel di educacion of status social, mester ta capaz di expresa nan opinion, sigur den e era di medionan social, unda informacion ta wordo comparti mas lihe cu nunca.

Sinembargo, cu libertad ta bin responsabilidad. Ora un opinion ta crusa e limite pa engaño intencional, e difusion di desinformacion of incitacion di division, e ta cambia di un derecho pa un arma peligroso. Esaki ta conta specialmente pa personanan altamente educa y (ex)politiconan, kende nan palabranan tin influencia adicional.

E Libertad pa Expresa Bo Opinion

Tur hende tin derecho riba un opinion, y den un sociedad saludabel, diferencianan di opinion mester por existi. Discusion y debate ta conduci na progreso, pasobra nan ta trece diferente perspectivanan dilanti y ta haci posibel pa tin ideanan nobo. Toch, libertad di expresion no ta nifica cu cada declaracion ta sin consecuencia. Palabranan tin influencia, y ora un figura publico ta comparti un opinion cu ta contene falsedadnan of ta emocionalmente carga pa crea intrankilidad, no solamente su credibilidad ta bin den peligro, pero tambe e estabilidad di e sociedad.

E Responsabilidad di Bosnan Influyente

Ta wordo spera di (ex)lidernan politico y ciudadanonan alta-



mente educa cu nan ta maneha nan plataforma criticamente y profesionalmente. Nan tin e conocimiento y e capacidad pa diferencia entre hecho y ficcion y pa hiba un debate basa riba contenido en bes di manipulacion. Sinembargo, ora nan ta intencionalmente culpabel di difundi misinformation, nan no solamente ta pone nan propio reputacion na riesgo, pero tambe e confiansa di ciudadanonan den e berdad. Esaki ta problematico, pasobra declaracionnan engañoso por conduci na polarisacion y hasta hostilidad contra institutonan manera polis.

Medionan Social y e Consecuencianan di Declaracionnan Iresponsabel

Cu e yegada di medionan social, tur hende a haya un bos, locual ta tanto un bendicion como un maldicion. Mientras cu e plataforma ta ofrece espacio pa debate y expresion habri, e ta wordo uza tambe regularmente pa difundi misinformation. Figuranan publico cu ta uza nan influencia pa incita hende of manipula e realidad ta contribui na un mundo di informacion toxico unda berdad y ficcion ta bira cada bes mas dificil pa diferencia. Esaki tin consecuencianan directo: un poblacion cu ya no ta confia den hechonan, pero cu ta wordo guia pa emocionnan y retorica manipulativo.

Conscientisacion y Pensamento Critico como Solucion

Libertad di expresion ta esencial, pero sociedad ta beneficia di uzo di lenga responsabel y un cultura di pensamiento critico. Ciudadanonan mester ta consciente di e fuente y e intencion tras di declaracionnan y verifica informacion prome cu nan ta acepta esaki ciegamente of sigui difundi esaki.

Figuranan publico, specialmente ex-politiconan, tin un responsabilidad adicional den esaki. Nan mester duna e bon ehempel, contribui na un debate fundado y evita cu nan palabranan ta wordo uza como un medio pa crea confusion y division.



Elements
A VIEW TO DINE FOR

We are open and ready to welcome you!

The award-winning Elements Restaurant is revamped with elegant, eco-friendly designs, introducing new planet-friendly menus for both the restaurant and its renowned Sunday Brunch.

Experience exceptional dining with a fresh View to Dine For at Bucuti & Tara Beach Resort, Aruba's top-rated resort!

Adults-only | Cashless | Reservations Required | Groups of Max 6 Guests
www.elementsaruba.com | +297 583-1100 ext. 109



Mensahe na tur politico

Transparencia Digital ta desenmascara politica barata na Aruba

E realidad politico na Aruba ta experienciando un transformacion fundamental. Unda politiconan antes por a briya cu mitar berdad y manipulacion strategico di hecho, awor nan ta wordo desenmascara sin misericordia dor di e accesibilidad digital di documentonan oficial. E debate reciente riba e retiro di e Ley di Rijkswet Aruba financieel toezicht (RAft) ta un ehempel perfecto di con e cultura politico bieu ta 'clash' cu e realidad nobo di transparencia y acceso directo na informacion.

Manipulacion Politico Ta Bira Insostenibel

E declaracionnan di premier Wever-Croes cu e RAft a wordo completamente elimina, ta resulta engañoso. E decisionnan oficial ta muestra cu solamente e proposicion di ley bieu a wordo formalmente retira pa duna lugar na un version nobo cu normanan presupuestario adapta y supervision financiero. Pues, e control riba finanzas publico di Aruba ta sigui existi, pero den un forma modifica.

Notabel ta cu un canal oficial di gobierno Hulandes a sinti obliga di coregi e concepto erroneo aki publicamente. Esaki ta subraya un problema creciente: algun politico ta sigui mantene na strategianan di comunicacion anticua cu no ta sostenibel mas den un era unda informacion ta accesibel pa tur hende. E pueblo Arubano mester bira consciente di e tacticanan aki y actua mas critico cu declaracionnan politico.

E Forsa di Acceso Digital na Informacion di Gobierno

Den un era unda decisionnan y documentacion oficial ta publicamente disponibel, ta Increibel cu cierto politiconan ainda ta purba di engaña e pueblo. Websitenan di gobierno Hulandes, plataformanan di noticia y media critico manera AWEMainta ta segura cu ciudadanonan tin acceso directo na e hechonan. Awor ta responsabilidad di e poblacion pa informa nan mes activamente y no kere politica sin mas.

Ta tempo pa ciudadanonan Arubano reeduca nan mes den pensamiento critico. Democracia ta funciona solamente ora e poblacion ta suficientemente informa pa responsabilisa politiconan.

E media tin un rol clave aki: nan no mester solamente raporta, sino activamente desenmascara desinformacion y ofrece analisisnan honesto.

E Consecuencianan di 'Konkelmento' Politico

E consecucionan di uso strategico di lenguaje politico no ta sin riesgo. Pospone of presenta leyman robes tin consecuencia financiero directo. Si e ley di reino nobo no wordo acepta na tempo, Aruba lo enfrenta un aumento di interes riba



e prestamonan di Covid, locual por costa e poblacion decenas di miyones extra. En bes di plama mensahenan di triunfo riba un 'victoria' cu no ta existi, politiconan mester enfoca riba gobernacion eficiente y un maneho financiero responsabel.

AWEMainta lo sigui e proceso aki di cerca y lo sigui raporta criticamente riba cualquier forma di manipulacion politico. E tempo di 'mistificacion' politico a pasa; e standard nobo ta transparencia completo y responsabilidad.

Un Yamado na un Gobernacion Honesto y Transparente

AWEMainta ta haci un yamado na tur politico pa un forma nobo di gobernacion: uno cu ta basa riba hecho, honestidad y respet pa e inteligencia di e pueblo Arubano. Nos lo no keda keto y lo sigui controla, analisa y raporta riba e desaroyonan politico na Aruba.

E tempo di retorica politico barata a pasa. Transparencia no ta un luho, sino un pilar fundamental di un bon gobernacion. Ta na e ciudadanonan pa exigi nan derecho riba informacion honesto y na e media pa garantisa e derecho ey.

Solamente asina Aruba por duna e paso pa un clima politico den cual integridad y responsabilidad ta hunga e rol principal.

Fuente: Besluitenlijst van de Rijksministerraad, 21 februari 2025

Rijksoverheid.nl

AWEMainta - edicion Diasabra 22 Feb 2025

Dossierkoninkrijksrelaties.nl

CAft a manda carta

Conseho di minister di reino ta pone deadline pa trata presupuesto 2025



Manera ta conoci, CAft (College Aruba financieel toezicht) a manda un carta di aviso pa Parlamento y Gobierno pa pidi atencion pa trata Presupuesto 2025 mas pronto posibel.

Como CAft no a haya contesta di parti di Parlamento, nan a escala esaki na Rijksministerraad (Conseho di Minister di Reino) y awe e carta di CAft tawata riba agenda pa wordo trata.

Aki Rijksministerraad a duna instruccion na Aruba pa percura pa trata Presupuesto 2025 prome cu 31 di maart.

Gabinete Wever-Croes 2 a cumpli cu su responsabilidad

Minister Plenipotenciario señor Ady Thijsen na su turno a splica Rijksministerraad cu Gobierno di Aruba a haci tur di su parti y a entrega e presupuesto, a manda tur informacion na Parlamento y a contesta tur pregunta y lo sigui haci tur esfuerzo pa e presupuesto wordo trata.

Aki Rijksministerraad a indica cu nan lo manda un carta cu cual Gobierno di Aruba lo bolbe urgi Parlamento pa trata e presupuesto.

DIABIERNA 21 di februari, durante e Conferencia di Prensa di Gobierno di Aruba, Prome Minister Evelyn Wever-Croes a informa riba dos decision importante cu a wordo tuma durante Conseho di Minister di Reino.

Ta trata di e revocacion di ley di RAft y e deadline cu Rijksministerraad a pone pa Aruba trata Presupuesto 2025.

Presupuesto 2025 ta na Parlamento

Ley di Aruba ta stipula cu 15 di December di e aña prome, e presupuesto di e aña siguiente mester ta estableci.

Si esaki no ta e caso, por lo menos mester tin un indicacion riba un otro fecha. Den e caso di Presupuesto 2025, esaki ta na Parlamento caba, hunto cu tur documentacion necesario, incluyendo un nota di cambio, en espera pa Parlamento fiha un fecha pa e wordo trata.

CAft a manda carta pa Rijksministerraad

wingo.com
¿Cómo quieres volar?

Ban Colombia!

BOOK MESORA! wingo.com

Cali Bogotá Medellín

Colombia ta intensifica esfuerso pa captura e criminalnan mas busca

E gobierno Colombiano a lansa un campaña agresivo pa captura su criminalnan mas busca, principalmente enfocando riba lidernan di Ehercito di Liberacion Nacional (ELN) y faccionnan disidente di e Forsanan Arma Revolucionario di Colombia (FARC). E resurgimento di violencia den regionnan manera Catatumbo, grandemente impulsa pa conflictonan riba traficacion di droga y control teritorial, a incita autoridadnan pa reactiva ordo di aresto y ofrece recompensa substancial pa fugitivonan di alto perfil. Cu colaboracion aumenta entre forsanan di seguridad Colombiano y aliadonan internacional, e pais ta apunta pa dismantela e gruponan arma aki y restaura estabilidad den areanan afecta.

Un di e obhetivonan principal di e operacion aki ta ELN, e grupo gueriero activo mas grandi di Colombia. E gobierno a re-establece ordo di aresto pa 31 comandante principal, incluyendo Nicolás Rodríguez Bautista (alias "Gabino"), Eliécer Herlinto Chamorro (alias "Antonio García"), Gustavo Aníbal Giraldo Quinchía (alias "Pablito"), y Israel Ramírez Pineda (alias "Pablo Beltrán"). E personanan aki ta wordo acusa di orkestra atakenan contra forsanan di seguridad, secuestro, y operacionnan di mineria ilegal. Como respuesta na nan actividadnan continuo, autoridadnan a ofrece un recompensa di \$700,000 pa informa-

cion cu ta conduci na nan captura. E militar Colombiano a intensifica operacionnan den fortalasanan di ELN, particularmente den Norte de Santander, unda violencia a escala debi na enfrentamentonan cu disidentenan di FARC.

Gruponan disidente di FARC, specialmente e Estado Mayor Central (EMC), tambe ta keda un menasa significativa pa seguridad. Bou di liderazgo di Néstor Gregorio Vera Fernández (alias "Iván Mordisco"), e faccionnan aki a expande nan control riba economianan ilegal, incluyendo traficacion di droga y deforestacion den Amazon. Reciente inteligencia ta sugeri cu forsanan di EMC tabata involvi den destruccion ambiental, usando kapmento di palo pa financia nan operacionnan. Den un cambio sorprendente di evento, un di e comandantenan clave disidente di FARC, alias "JJ Guaracas," a entrega su mes na autoridadnan na Januari 2025. Su desercion por provee inteligencia valioso riba e funcionamiento interno di e red disidente, yudando forsanan di seguridad den nan accion contra miembronan restante.

E esfuersonan di gobierno Colombiano pa captura e criminalnan aki a produci resultadonan significante caba. Na November 2024, autoridadnan, den colaboracion cu agencianan Mericano,

a aresta Aderbis Pirela-Pirela, un di e dies fugitivonan mas busca di Colombia, cerca di San Antonio, Texas. Pirela-Pirela tabata liga na multiple homicidionan y otro crimennan violento, conduciendo na su condena y sentencia den Merca.

E aresto aki ta subraya e importancia di cooperacion internacional den atende crimen transnacional, ya cu hopi criminal Colombiano ta busca refugio den exterior pa evadi husticia. Mientras tanto, raportnan di organisacionnan di derecho humano ta resalta e retonan continuo di gobierno Colombiano den mantene un balansa entre medidanan di seguridad agresivo y respeta derecho humano den regionnan afecta.

E enfoka renoba riba captura criminalnan mas busca di Colombia ta refleha e compromiso di gobierno pa combati crimen organisa y gruponan insurhente. Aunke exito di e iniciativa aki ta depende di operacionnan militar continuo y compartimento di inteligencia cu partnernan internacional, retonan ta keda den atende corrupcion profundamente ancura y rednan criminal. E lucha contra ELN y disidentenan di FARC ta leu di caba, pero cu presion aumenta y aliansanan strategico, Colombia ta tumando pasonan significante pa restaura seguridad y estabilidad den e pais.

START YOUR DAY IN PARADISE



**20% off
for locals***

laguna

**OPEN DAILY
7 – 11 AM**

For reservations +297-526-6612

Extensive Buffet
Air-Conditioned Dining
Your Favorite Breakfast Classics
Wake-Up Cocktails
Outdoor Terrace Dining
A La Carte Breakfast Specialties

*Offer is valid for local residents with a local ID. Limited to a maximum of 30 persons. Bottles are not included in this offer.

Hilton
ARUBA CARIBBEAN
RESORT & CASINO

E influencia creciente di China den Caribe pa medio di debe y inversion



CHINA a expande su presencia financiero significativamente den Caribe mediante prestamo y inversionnan den infraestructura, energia, y otro sectornan critico. Aunke e fondonan aki a yuda nacionnan Caribense desaroya nan economia, nan tambe a conduci na preocupacion tocante sostenibilidad di debe y dependencia di financiamiento Chines. Varios nacion Caribense awor ta debe sumanan substancial na China, haciendo Beijing un actor clave den e panorama economico di e region.

Cuba tin e debe mas grandi na China, cu un estimacion di \$4 mil miyon den obligacionnan cu a wordo restructura multiple biaha desde 2011. China ta keda un socio economico crucial pa Cuba, apoyando varios industria, incluyendo telecomunicacion y energia. Jamaica, un otro receptor principal di prestamo Chines, a sigura dies diferente acuerdo di financiamiento desde 2005, principalmente pa proyectonan di infraestructura manera camindanan y brugnan.

Similarmente, Trinidad y Tobago a haya acceso na \$2.6 mil miyon den prestamo Chines, enfocando riba iniciativa di energia y desaroyo. E inversionnan aki a fortalece lasonan bilateral, pero tambe a lanta preocupacion tocante capacidadnan di pago bek a largo plaso.

Den e region Caribense di Sur America, Guyana a ricibi \$3.01 mil miyon den inversionnan Chines, principalmente den e sectornan di petroleo y infraestructura, impulsando crecimiento economico rapido.

Suriname tambe tin un carga di debe notable, cu obligacionnan cu ta surpasa 5% di su GDP. Den Caribe Oriental, Antigua y Barbuda a ricibi \$1 mil miyon, mientras cu Bahamas a sigura \$350 miyon den inversionnan Chines.

E acuerdonan financiero aki hopi biaha ta bin cu partnershipnan strategico cu ta permiti China expande su influencia den economia y politica di e nacionnan aki.

Barbados, aunke menos endeuda compara cu otro nacionnan, ainda ta debe aproximadamente \$300 miyon na China, representando menos cu 2.5% di su debe externo.

Aunke esaki por parce chikito, e ta refleha e strategia mas amplio di China di uza asistencia economico como un herment pa diplomacia y influencia. Hopi di e paisnan aki a uni na e Iniciativa di Ruta y Faha (Belt and Road Initiative, BRI) di China, un proyecto global di desaroyo di infraestructura cu ta profundisa nan lasonan financiero cu Beijing mas ainda. Mientras China ta aumenta su posicion, nacionnan Occidental, particularmente Merca, a expresa preocupacion tocante e potencial pa "diplomacia di debe," unda paisnan ta lucha pa paga prestamo bek y ta wordo forza pa haci concesionnan economico of politico.

E compromiso financiero di China den Caribe ta ofrece tanto oportunidad como reto. Di un banda, financiamiento Chines a yuda mehora infraestructura, crea trabou, y impulsa crecimiento economico. Di otro banda, e carga di debe creciente ta lanta pregunta tocante sostenibilidad financiero y e impacto a largo plaso riba soberania nacional.

Mientras nacionnan Caribense ta nabega nan futuro economico, nan mester haya un balansa entre aprovecha inversionnan Chines pa desaroyo y sigura cu nan no bira demasiado dependiente di apoyo financiero di Beijing.

Potret: AFP

relax, unwind,
rejuvenate

Book your
journey now

eforea
SPA
Hilton Aruba

Open Daily 9 AM - 6 PM | +297 526 6052 | auahh_eforea_aruba@hilton.com
J.E. Irausquin Blvd. 81, Palm Beach | hiltonaruba.com | [@hiltonaruba](https://www.instagram.com/hiltonaruba)

Merca ta evalua sancionnan riba Chevron y plan di transicion politico na Venezuela

E administracion di Presidente Donald Trump ta considerando revoca e licencia cu ta permiti Chevron opera na Venezuela como parti di un strategia mas amplio pa aumenta presion riba e regimen di Nicolás Maduro. E medida aki ta apunta pa limita exportacionnan di petroleo Venezolano y reduci entrada di gobierno, cu e meta final di forsa un transicion politico den e pais Sur Americano.

Chevron a sigui cu su operacionnan na Venezuela apesar di sancionnan Mericano, danki na un licencia special otorga pa Departamento di Tesoro. E licencia aki a permiti e compania mantene su actividadnan den e pais y exporta petroleo Venezolano pa Merca. Sinembargo, e administracion Trump

ta reconsiderando e excepcion aki, argumentando cu presencia continuo di Chevron por ta proveendo un liña di salbada economico na gobierno di Maduro.

Ademas di potencial sancionnan contra Chevron, e administracion Trump ta explorando opcionnan pa facilita un transicion politico na Venezuela.

Un proposicion ta inclui ofrece Nicolás Maduro exilio sigur, contal cu e ta di acuerdo pa baha for di poder. E strategia aki ta apunta pa evita conflicto arma y promove un resolucion pacifico cu lo restaura democracia den e pais.

E accionnan aki ta parti di un politica mas amplio di e administracion Trump pa aumenta presion riba gobierno Venezolano. Recientemente, Merca a intensifica deportacionnan di migrantenan Venezolano, mandando un mensahe cla tocante su posicion riba e regimen di Maduro. Den coordinacion cu gobierno Venezolano, vuelonan di repatriacion a wordo conduci for di Guantánamo Bay pa Caracas, señalando un colaboracion inusual entre e dos paisnan meymey di tensionnan politico.

E potencial revocacion di licencia di Chevron y e oferta di exilio na Maduro ta refleha e determinacion di administracion Trump pa persigui cambio di regimen na Venezuela. E medidanan aki, combina cu sancionnan economico y accionnan diplomatico, ta apunta pa isola mas ainda gobierno di Maduro y encurasha un transicion democratico cu por alivia e crisis politico y humanitario andando den e pais.




JOIN US & THRIVE!

TOP 25 HOTEL IN THE WORLD ON TRIPADVISOR
FIRST & ONLY CERTIFIED CARBON NEUTRAL RESORT IN THE CARIBBEAN

OPEN POSITIONS:

- **DOORMAN (M/F)**
- **COOK**
- **BARTENDER**
- **LUNCH SERVER**
- **ROOM ATTENDANT**
- **MAINTENANCE TECHNICIAN**

UNLOCK THESE BENEFITS WITH US:

- **Attractive salaries**
- **Various bonus opportunities**
- **5-Day workweek (40 Hours)**
- **Up to 27 vacation days based on years of service**
- **Childcare allowance to support working parents**
- **Wellness program: gym memberships, annual health check-ups, life & health insurances**
- **Exclusive employee discounts at Tara Eco, Ling & Sons, and Garage Centraal**
- **Savings & loan program**

JOIN OUR AWARD-WINNING TEAM AND TAKE ADVANTAGE OF THESE INCREDIBLE BENEFITS WHILE GROWING A REWARDING CAREER!

 www.bucuti.com/careers




Republica Dominicana ta cumpli cu medida di Merca riba status di e Haitianonan



E gobierno di Republica Dominicana, lidera pa Presidente Luis Abinader, a anuncia su cumplimiento cu e politicanan di migracion estableci pa Merca tocante ciudadanonan Haitiano. E decision aki ta sigui e paso di administracion Mericano pa revoca Status di Proteccion Temporal (TPS) pa mas di 500,000 Haitiano cu ta biba den e pais. E medida por impacta significativamente e fluho di migracion entre Haiti y Republica Dominicana, cu ya caba ta enfrenta retonan debi na instabilidad den su pais bisiña.

Chevron a sigui cu su operacionnan na Venezuela apesar di sancionnan Mericano, danki na un licencia special otorga pa Departamento di Tesoro. E licencia aki a permiti e compania mantene su actividadnan den e pais y exporta petroleo Venezolano pa Merca. Sinembargo, e administracion Trump ta reconsiderando e excepcion aki, argumentando cu presencia continuo di Chevron por ta proveendo un liña di salbabida economico na gobierno di Maduro.

Apesar di critica di organisacionnan di derecho humano tocante deportacion di migrantenan Haitiano, Presidente Abinader a reafirma cu su gobierno lo sigui aplica control estricto na frontera. El a enfatisa cu ningun entidad externo, incluyendo NGO-nan of gobiernonan stranhero, tin autoridad pa dicta politicanan di migracion di Republica

Dominicana. E gobierno a intensifica deportacionnan, segun informe mandando bek aproximadamente 10,000 Haitiano indocumenta semanalmente desde October 2024.

Departamento di Estado Mericano a publica recientemente un raport cu ta resalta supuesto violacionnan di derecho humano na Republica Dominicana, particularmente tocante tratamento di migrantenan Haitiano. E documento ta menciona arestonan arbitrario, condicionnan di detencion inhumano, y raportnan di maltrato durante deportacionnan. Sinembargo, autoridadnan Dominicano a desestima e alegacionnan aki, argumentando cu nan ta actuando di acuerdo cu necesidadnan di seguridad nacional.

E alineacion di Republica Dominicana cu politicanan di migracion Mericano ta marca un cambio significant den e respuesta di region na e crisis Haitiano. Mientras Abinader ta keda firme den su posicion, presion internacional ta sigui aumenta riba e implicacionnan humanitario di deportacionnan masal. Den futuro, tanto Merca como Republica Dominicana probablemente lo enfrenta scrutiny aumenta mientras nan ta nabega e dinamicanan politico y social complica rond di migracion Haitiano.

JOIN US



Padvindsters
11 pa 18 aña

Grupo Maria
Auxiliadora Santa Cruz

Lugar: Maria School
(Santa Cruz)

Orario: 4:30 PM - 6:30
PM

Dia: Diasabra



Pa mas informacion:

Eliandra Koolman: 569 8627

Angela Angela: 561 3991

Facebook: Grupo Maria Auxiliadora -
Het Arubaanse Padvindsters Gilde



Papa Francisco ainda den estado “critico” cu señal di insuficiencia renal

DIADOMINGO atardi e Oficina di Prensa di Vaticano a duna un actualizacion riba e salud di Papa Francisco. "E condicion di e Santo Tata ta sigui critico; sinembargo, for di ayera tardi e no a presenta mas crisis respiratorio", segun e noticiero cita pa Vatican News.

E transfusion di sangre a yuda mehora e nivel di hemoglobina di e sumo pontifice. Pero, un analisis di sangre nobo a muestra cu tin un insuficiencia renal leve, cu ta bou di control pa awo. Ademá di esaki, e ta sigui ricibi terapia di oxígeno pa yuda su respiracion.

Papa Francisco a sufri di un crisis respiratorio anteriormente y tabatin mester di transfusion di sanger.

Esaki a pone e situacion mas delicado. No obstante, a pesar di e "complejidad di su estado di salud", e pronostico ta

"reserva". Pero, segun Vatican News, e ta keda "vigilante y bon orienta". Pa mainta, a asisti na un misa cu ne mirando e condicion di su estado salud mientras cu e ta hospitalisa.

Papa Francisco ta hospitalisa den hospital Agostino Gemelli na Roma for di dia 14 di februari. Inicialmente tabata pa un bronkitis, pero esaki a bira neumonia. Rib'e mesun dia aki, Vaticano a informa cu e pontifice a pasa un noche "trankil", despues cu su estado a empeora diabierna anochi debi na un crisis respiratorio cu a bira necesario un transfusion di sanger.

"E estado di e Santo Tata ta sigui critico. Pasobra, manera a splica ayera, papa no ta for di peligro todavia", segun e declaracion di Vaticano. Pa esey, el lo keda den hospital "pa tur e siman siguiente al menos".



MADBOR Consultancy

Documento Comercial y Support

- Oferta / Presentacion
- Programa di rekisitonan
- Citacion
- Informacion
- Contrato (*den concepto*)

Operacion

- Analisis di Proceso
- Descripcion di Proceso
- Descripcion di Protocol

Apoyo Empresarial

- Mediacion
- Consulencia/ Consejo
- Comercialisacion

Documentacion oficial (di e empresa) :

- Prepara
- Verifica
- Traduccion-4 idioma:
(*Ingles, Hulandes, Spaño, Papiamento*)

Priva

- Scirbi carta (oficial) - 4 idioma
- Traha Curriculum Vitae
- Carta di solicitud
- Mediacion serca instancianan - 4 idioma

Ban 
Papia
+297-7456724

Turning **Ideas** into Breakthrough **Solutions**

DEPORTE

DEPORTE@AWEMAINTA.COM

Zyana Rogers ta hiba Aruba na un victoria emocionante contra Guatemala den clasificacion di CONCACAF U-20

DEN un ambiente di expectativa y energia, e seleccion femenino di Aruba a enfrenta Guatemala diasabra den un partido crucial di e clasificacion di CONCACAF U-20. E publico presente a presencia un encuentro cu a mantene tur hende na rand di nan stoel, yen di emocion y sorpresa.

E partido a cuminsa cu Guatemala desplegando un futbol agresivo, logrando domina e prome tempo y habriendo e marcador. Aruba, sinembargo, no a perde speranza. Cu disciplina tactico y un spirito di lucha inkebrantabel, nan a busca e empate incansablemente.

E momento estelar di e anochi a yega ora Zyana Rogers a cuminsa luci su talento. Cu habilidad y determinacion, el a penetra e defensa Guatemalteco, anotando un gol cu a yena e fanaticonan Arubiano cu alegria. E empate a motiva e hungadonan Arubano pa sigui pusha, buscando e gol di victoria.

E tension a aumenta ora e tempo regular tabata yegando na su final. Na e di 90 minuut, Rogers a bolbe sorprende cu un gol espectacular, sigur entregando e victoria na Aruba. E celebracion no tabatin limite, cu hungado y e fanaticonan celebrando un triunfo memorabel.


E victoria aki ta un refleho di e progreso di futbol femenino na Aruba. E ta un inspiracion p'e hobennan deportista y un



muestra cu cu dedicacion y perseverancia, tur cos ta posibel.

Pa revive e momentonan culminante di e partido, incluyendo e golnan di Zyana Rogers, bishita e siguiente link: <https://www.concacaf.com/en/under-20s-women/videos/cwu20q-group-f-highlights-matchday-3/>





Cuater boxeador Boneriano na caminda pa Aruba p'e di 14 edicion di "Fire to the Ring"

FEDERACION di Boxeo di Boneiru (BBF) ta orguyoso di por anuncia cu un delegacion talentoso di boxeador local ta bay representa Boneiro durante di e di 14 edicion di e competencia internacional di boxeo "Fire to the Ring", cual lo tuma luga dia 4 di april na Aruba.

E evento di boxeo aki ta trece boxeador for di den region hunto cu hopi participante nacional y internacional y ta brinda un plataforma excelente p'e atletanan muestra nan habilidadnan y competi riba escenario internacional.

E delegacion cu ta bay representa Boneiro ta consisti di e boxeador Ricardi Muñoz cu ta enfrenta Tohami Ghelali di Aruba, Kevin Scharbaai cu lo competi contra Esteban Duque for di Colombia, Piet Schrijver cu ta bringa contra Antwone Ignacio di Aruba y Dylan Sint Jago cu ta bay bataya contra Juan Sánchez for di Colombia. Bou di guia di nan coachnan y BBF, e boxeador nan ta preparando nan mes intensivamente p'e competencia aki.

Nan ta spera di no solamente mehora nan record personal, pero tambe promove e deporte di boxeo na Boneiro y alcanza nivel nobo.

BBF ta hunga un rol crucial ora di haci e tipo di prestacionnan aki posibel. E federacion ta ofrece e boxeador nan local un plat-



aforma pa participacion n'e competencianan (inter)nacional, sosten financiero y guia profesional. Como federacion e ta invert den desaroyo di e boxeador nan y e ta yuda nan pa subi bay na un nivel di competencia mas halto, cual ta esencial pa crecemento di e deporte y e oportunidad p'e atletanan na Boneiro.

Segun e entrenador nacional William Evertsz, participacion na "Fire to the Ring" ta un tremendo oportunidad p'e boxeador nan competi cu contrincantenan internacional, obtene experiencia nobo y fortifica nos comunidad di boxeo na Boneiro: "E delegacion di Boneiro ta decidido pa distingui su mes y muestra kico nos isla tin pa ofrece den e mundo di boxeo."


Sosten financiero esencial

Participacion n'e evento aki ta bira posibel tambe pa medio di sosten di Indebon, e departamento di deporte di Entidad Publico Boneiro, y MCB Bank, cual ta compromete nan mes pa desaroyo di e comunidad di deporte local y promocion di oportunidad di deporte p'e hobennan na Boneiro.

Contribucion financiero y patrocinio ta esencial pa cubri e gastonan di biahe, acomodacion y preparacion, di manera cu e boxeador nan ta haya e oportunidad pa enfoca completamente riba nan prestacionnan riba escenario internacional y asina haya nan chens pa logra mas grandi.



Champions League Round of 16: Encuentronan clave y prediccion



E sorteo di Round of 16 di UEFA Champions League a prepara e escenario pa encuentronan emocionante entre e clubnan di futbol di elite di Europa. Programá pa cuminsa dia 4 di Maart 2025, e fase aki ta presenta un mescla di rivalidadnan clasico y enfrentamentonan nobo, primintiendo drama di nivel halto y presentacionnan excepcional.

Encuentronan Principal

Un di e encuentronan mas anticipa ta e all-Madrid derby entre Real Madrid y Atlético Madrid. E rivalnan di ciudad aki ta cla pa renoba nan competencia feroz riba escenario Europeo, cu ambos team apuntando pa afirma dominio. Historia rico di Champions League di Real Madrid ta contrasta cu hamber di Atlético pa exito continental, haciendo e encuentro aki particularmente convincente. Un otro encuentro sobresaliente ta presenta Paris Saint-Germain (PSG) contra Liverpool. Ambos club, conoci pa nan destresa ofensivo, lo competi pa un puesto den cuartfinal den loke ta priminti di ta un competencia electrificante.

Prospectonan di Clubnan Ingles

Arsenal ta enfrenta PSV Eindhoven, marcando nan di tres encuentro Europeo consecutivo. E "Gunners" lo busca pa probecha nan exitonan anterior contra e banda Hulandes pa avansa mas leu. Mientras tanto, Aston Villa ta regresa na e fase di eliminacion di Champions League, enfrentando Club Brugge. E resurgimiento di Villa bou di maneho nobo tabata notable, y e encuentro aki ta ofrece nan un oportunidad favorabel pa progresa.

Encuentro Aleman

Un encuentro all-German ta mira Bayern Munich enfrentando Bayer Leverkusen. Bayern, cu nan

pedigree Europeo formidabel, hopi biaha ta wordo favoreci den encuentronan asina. Sinembargo, presentacionnan recien di Leverkusen ta sugeri cu nan por presenta un reto significant, haciendo e encuentro aki uno pa wak di cerca.

Prediccionnan y Posibel Resultadonan

Analistanan y supercomputernan a duna nan opinion riba posibel resultadonan. Sorprendentemente, algun prediccion ta favorece Arsenal cu un chens di 22.4% pa gana e titulo, superando casanan di poder tradicional manera Real Madrid y Barcelona. Liverpool tambe ta surgi como un contendiente fuerte, cu simulacionnan pronosticando un posibel victoria di 4-3 riba PSG den un final emocionante. E proyeccionnan aki, aunke speculativo, ta agrega un capa intrigante na e narrativo di e competencia.

Mientras cu e Round di 16 ta acercando, fanaticonan di futbol rond mundo ta anticipa cu entusiasmo e drama cu lo desaroya. Cu clubnan historico y talentonan emergente cla pa colisiona, e Champions League ta sigui cautiva cu su mescla di tradicion, rivalidad, y e buskeda implacabel di gloria.

Potret: AFP

DESTINY SECURITY

OPORTUNIDAD PA Trabaho

ATTRACTIVE SALARY
JOB BENEFITS

WE ARE LOOKING FOR TALENTED AND PASSIONATE PEOPLE TO JOIN OUR TEAM.
IF YOU WANT A PLACE WHERE YOU CAN GROW PROFESSIONALLY AND WORK IN A COLLABORATIVE ENVIRONMENT, THIS IS YOUR OPPORTUNITY!

DESTINY SECURITY DESTINY SECURITY OFICIAL 5947937

Dmitry Bivol ta derota Artur Beterbiev pa bira campeon indiscutibel di Peso Semipisa

DEN un revancha sumamente anticipa, Dmitry Bivol a derota Artur Beterbiev pa decision mayoritario dia 22 di februari 2025, pa bira e campeon indiscutibel di peso semipisa. E pelea a tuma luga na Kingdom Arena na Riyadh, Saudi Arabia, unda Bivol a demostra su habilidadnan superior di boxeo pa vengha su derota anterior contra Beterbiev. E huesnan a score e pelea 114-114, 116-112, y 115-113, sigurando e luga di Bivol como e miho bringado den e division.

E pelea tabata un bataya tactico desde comienso, cu Bivol usando su "footwork" excepcional y jab preciso pa mantene e agresivo Beterbiev na distancia. Contrario na nan prome pelea na october 2024, unda Beterbiev a gana pa decision mayoritario, e biaha aki Bivol a controla e ritmo y a evita intercambionan innecesario.

Su habilidad pa neutralisa e golpinan di poder di Beterbiev tabata un factor clave den su victoria, mientras cu e tabata consistente den conecta golpinan mas limpi y move for di alcance prome cu Beterbiev por a contraataca.

E pelea tabata competitivo, cu ambos homber mustrand nan habilidadnan di nivel elite, pero e disciplina y inteligencia di Bivol den ring a dun'e e bentaha.

Beterbiev, conoci pa su poder di knockout, tabatin dificultad pa kibra e strategia defensivo di Bivol. Apesar di conecta algun golpi pisa den e rondnan posterior, e no por a slow down e Bivol elusivo. E pelea a keda cerca, cu algun rond dificil pa score, pero e ritmo di trabou superior y eficiencia di Bivol finalmente a convence e huesnan na su fabor. Pa e ultimo bel, tabata cla cu Bivol a ehecuta su plan di wega perfectamente, hibando na su victoria bon mereci.

Despues di e pelea, Bivol a expresa su emocion, bisando, "Mi ta gewoon asina contento. Mi a pasa den hopi e ultimo aña aki, y esaki ta increibel. Mi a pusha mi mes mas duro, mi tabatin mas confiansa, y mi gewoon kier a gana asina hopi awe." Mientras tanto, Beterbiev a acepta e decision cu deportividad, declarando, "Mi no kier papia tocante e decision, mi gewoon kier bisa pabien na Bivol. Mi ta kere e pelea aki tabata miho cu e prome, pero awor ta mi tempo pa bin bek."

Cu Bivol awor reinando como e campeon indiscutibel di peso semipisa, speculacion ta creciendo tocante un posibel pelea di trilogia entre e dos rivalnan. Mirando e intensidad di nan batayan, fanaticonan y analistanan ta ansioso pa wak si un di tres pelea lo resolve e rivalidad di una bes pa semper.



New York Yankees ta elimina prohibicion di barba despues di casi 50 Aña

E New York Yankees, un di e franquicianan mas iconico di Major League Baseball, a termina oficialmente nan prohibicion di casi 50 aña riba barba. E decision ta marca un cambio cultural significativo pa e team, cu pa hopi tempo tabata conoci pa su politicanan estricto di "grooming". E cambio aki a wordo brasa pa hungadonan y fanaticonan, señalando un modernisacion di tradicionnan di e team mientras ta mantene e balornan central di profesionalismo y disciplina.

E politica di barba di Yankees a wordo implementa originalmente na 1973 pa e doño di e team George Steinbrenner. E regla tabata dicta cu tur hungador mester mantene cara limpi feita, cu solamente bigoti corta nechi permiti. Durante decadanan, e regulacion aki a bira un aspecto defini di e marca di Yankees, cu hopi hungador obliga pa feita ora nan join e team. Notablemente, ex-streanan manera Johnny Damon y Brian Wilson mester a altera nan looknan caracteristico ora nan a firma cu Yankees. Sinembargo, e politica a wordo critica den añanan recién pa ta anticua, specialmente como cu otro teamnan a adopta un enfoque mas relaha.

Cu e cambio di politica aki, hungadonan y staff di Yankees awor por tin barba bon cuida, un paso cu ta refleha e cultura evolutivo di deporte profesional. E decision ta alinea cu tendencianan mas amplio den baseball y otro liganan, unda atletanan ta haya mas libertad personal tocante nan apariencia. Hopi hungador actual

y anterior a expresa nan apoyo pa e cambio, cu algun hasta bromeando expresando emocion tocante finalmente por laga barba crece sin repercusion. Fanaticonan tambe a acudi na social media pa elogia Yankees pa adapta na e era moderno mientras ta mantene nan compromiso na excelencia.

E decision pa elimina e prohibicion ta bin na un momento cu Yankees ta buscando pa haci mehoracionnan strategico tanto riba como fuera di veld. E franquicia, balora na \$7.5 mil mion, ta keda un di esnan mas exitoso den deporte profesional, y e paso aki ta wordo mira como parti di un esfuerso mas amplio pa fomenta un ambiente mas "player-friendly". Mientras cu tradicion ta keda un parti clave di e identidad di Yankees, e cambio aki ta demostra un boluntad pa acepta cambio mientras ainda ta mantene e standardnan halto spera di e team.

Mientras cu Yankees ta drenta un temporada nobo, e cambio di politica aki por parce chikito, pero e ta representa un cambio mas grandi den e cultura di e organizacion. Door di permiti hungadonan expresa nan mes mientras ta mantene profesionalismo, Yankees ta logrando un balansa entre tradicion y modernidad. Cu e era nobo aki, fanaticonan y hungadonan lo wak di cerca pa mira con e team ta desempeña—no solamente den termino di victoria y derota, pero tambe den fomenta un ambiente mas inclusivo y adaptable.

Potret: AFP





Beauty Bar
by Jen

+297 730 1486

SABANA BLANCO 40
ORANJESTAD, ARUBA



Beauty Bar

P.M.U &
LASH ARTIST

By JEN

Specialised in

Brows, lips & Eyeliner ♦ Pedicure ♦ Microblading
♦ Powderbrows ♦ Threading ♦ Brow Lamination
♦ Lip pigmentation & blush ♦ Eyeliner

 Beauty Bar by Jen

 beautybar_byjen



E benefician di spiritualidad pa salud mental

SPIRITUALIDAD ta hunga un rol significant den fomenta bienestar mental, ofreciendo individuonan un sentido di conexion, proposito, y resistencia den e cara di retonan di bida. E ta sirbi como un fuente di paz interior y estabilidad emocional, yudando individuonan nabega stress, incertidumbre, y crisisnan personal cu mas facilidad.

Investigacion científico ta subraya e impacto positivo di spiritualidad riba tanto salud mental como físico. Estudionan publica den *The Journal of Behavioral Medicine* (Koenig et al., 2012) ta indica cu practicanan spiritual por reduci stress, mehora regulacion emocional, y aumenta satisfaccion general di bida.

Ademas, descubrimentonan di *American Journal of Psychiatry* (Miller et al., 2014) ta sugeri cu spiritualidad por ta un factor di proteccion contra depresion y ansiedad, promoviendo mecanismonan di afrontacion cu ta fomenta resistencia.

Maneranan clave cu spiritualidad ta beneficia salud mental ta inclui:

Reduccion di Stress: Participa den practicanan spiritual manera oracion, meditacion, of mindfulness por baha nivelnan di stress y promove relajacion. Bienestar Emocional Mehora: Spiritualidad ta fomenta gratitud, speransa, y un sentido di proposito, tur cos cu ta contribui na balansa emocional.

Relacionnan Mehora: Spiritualidad ta encurasha compasion, empatia, y pordon, fortaleciendo lazonan social y mehorando relacionnan interpersonal.

Aumento di Resistencia: Esnan cu creencianan spiritual fuerte hopi biaha ta exhibi mas resistencia den e cara di adversidad, usando nan fe como un forza guia den temponan dificil.

E Rol di Spiritualidad den Tratamento di Salud Mental

Den añanan recién, profesionalnan di salud mental a reconoce cada bes mas e balor di spiritualidad como un componente complementario di terapia. Segun investigacion den *The Journal of Positive Psychology* (Pargament & Mahoney, 2017), integra spiritualidad den tratamiento por mehora curacion psicologico y crecimiento personal.

Maneranan cu spiritualidad ta wordo incorpora den tratamiento di salud mental ta inclui:

Mindfulness y Meditacion: Practicanan deriva di tradicionnan Budista a wordo adopta ampliamente den terapia cognitivo-conductual (CBT) y reduccion di stress basa riba mindfulness (MBSR).

Conseheria Basa riba Fe: Hopi terapeuta ta integra perspectivanan religioso y spiritual den terapia, adaptando tratamiento pa alinea cu e creencianan di un cliente.

Gruponan di Apoyo y Comunidadnan: Comunidadnan spiritual hopi biaha ta proporciona un red fuerte di apoyo social, cu por yuda den curacion emocional y recuperacion.

Terapia Narrativo: Encurasha individuonan pa haya significacion den nan luchanan a traves di contamento di storia personal y reflexion spiritual por yuda fomenta resistencia y auto-aceptacion.

Spiritualidad Mas Leu cu Religion

Mientras cu spiritualidad hopi biaha ta wordo asocia cu religion, e ta extende mas leu cu tradicionnan di fe organisa. Hopi individuo cu no ta adhiri na un religion specifico ainda ta participa den practicanan spiritual, buscando significacion y conexion na nan propio manera. Segun un estudio den *The Journal of Transpersonal Psychology* (Wulff, 2019), spiritualidad secular—manera conecta cu naturalesa, practica gratitud, y acepta reflexion personal—por ta mesun efectivo den mehora bienestar mental.

Maneranan pa cultiva spiritualidad pafo di practicanan religioso ta inclui:

Mindfulness y Presencia: Participa den ehercicionan di mindfulness pa mehora autoconciencia y reduci stress.

Actonan di Servicio: Haci trabou boluntario y yuda otronan ta fomenta un sentido di proposito y comunidad.

Reflexion y Skirbi den un Diario: Skirbi tocante experiencianan personal y reflexionnan por yuda individuonan procesa emocionnan y descubri ideanan personal.

Conexion cu Naturalesa: Pasa tempo den naturalesa por evoca sentimentonan di asombro y interconexion, fomentando un sentido profundo di satisfaccion spiritual.

Conclusion

Spiritualidad, sea religioso of secular, ta ofrece un manera profundo pa mehora salud mental. Door di proporciona un sentido di proposito, fortalece resistencia, y fomenta bienestar emocional, practicanan spiritual por ta un herment valioso den navega e complehidadnan di bida. Mientras cu investigacion ta sigui explora e interseccion di spiritualidad y salud mental, ta bira cada bes mas cla cu integra practicanan spiritual den bida diario por contribui na un existencia mas balansa y satisfactorio.

RELACION



E Efecto Michelangelo

Crea un relacion mas fuerte

MICHELANGELO a describi su proceso artistico como descubri e obra maestra ya scondi den e marmar. Kico si relacionnan ta funciona di e mesun manera? En bes di purba cambia of "drecha" bo pareha, e clave pa un relacion satisfactorio por ta den sostene e crecimiento di otro, yudando otro bira e miho version di nan mes. E concepto aki, conoci como e Efecto Michelangelo, ta sugeri cu parehanan ta forma y influencia e desaroyo personal di otro di un manera cu ta fortalece tanto nan identidadnan individual como nan relacion.

Investigacion publica den Current Directions in Psychological Science (Drigotas et al., 1999) a descubri cu parehanan cu ta afirma y encurasha e ser ideal di otro ta contribui na crecimiento mutuo y un aumento den satisfaccion di relacion. Di mes manera, un estudio den The Journal of Personality and Social Psychology (Rusbult et al., 2009) a enfatisa cu ora individuonan ta sinti nan mes sosteni den bira nan miho ser, nan ta experiencia lasonan emocional mas profundo. Aki tin tres manera pa incorpora e Efecto Michelangelo den bo relacion pa construi un conexion mas fuerte y satisfactorio.

Reconoce e Obra Maestra Paden

Un escultor ta wak potencial unda otronan por wak solamente piedra. Den relacionnan, esaki ta nifica reconoce y celebra e puntonan fuerte, talentonan, y aspiracionnan di bo pareha, specialmente esnan cu nan mes porta no ta wak completamente den nan mes. Encurashamento y creencia di un pareha di apoyo por ta transformativo, reforsando confiansa propio y crecimiento personal.

Un estudio di 2017 den Personal Relationships a destaca cu individuonan den relacionnan di apoyo tabatin mas chens di priorisa desaroyo personal riba recompensanan superficial. Bo por yuda descubri e potencial scondi di bo pareha door di:

Sea curioso. Puntra tocante nan soñonan di infancia of e metanan cu nan a pone un banda den transcurso di tempo. Reconecta cu e aspiracionnan aki por reaviva pasion y proposito. Ofrece afirmacionnan genuino. Corda bo pareha di e puntonan fuerte cu bo ta admira den nan, por ehempel nan resistencia, creatividad, of bondad. wwSea presente. Apoya nan crecimiento den maneranan diario, sea ta door di celebra victorianan chikito of encurasha nan durante retonan.

'Chip' cu Cuidao

Incluso e escultor mas habil ta uza tokenan preciso y delibera en

bes di golpinan fuerte. Encurasha e crecimiento di bo pareha mester sinti edificante, no critico. Investigacion den The Journal of Social and Personal Relationships (Feeney & Collins, 2015) ta sugeri cu apoyo nutritivo y orienta na accion ta hopi mas efectivo cu presion of critica den fomenta auto-mehoracion y profundisa lasonan di relacion.

Con pa ofrece guia di apoyo cu cuidao:

Celebra e esfuerzo, no solamente e resultado. Crecimiento ta tuma tempo. Reconoce progreso door di bisa, "Mi ta encanta con dedica bo ta na esaki," en bes di enfoca solamente riba resultadonan. Puntra prome cu ofrece ayuda. En bes di asumi cu nan tin mester di conseho, puntra, "Con mi por apoya bo?" Esaki ta mantene comunicacion habri y colaborativo. Tene pasenshi. Crecimiento personal ta un trayecto, y bo pasenshi ta segura bo pareha cu nan ta wordo balora y apoya, sin importa e ritmo.


Forma un Ekipo

E Efecto Michelangelo no ta unilateral; un relacion prospero ta encera apoyo y crecimiento mutuo. Ora ambos pareha ta inverti den e desaroyo di otro, nan ta crea un partnership dinamico y satisfactorio unda aspiracionnan individual y metanan comparti ta coexisti armoniosamente. Un estudio den The Journal of Positive Psychology (Gable et al., 2006) a descubri cu celebra e logronan di otro ta fortalece conexionnan emocional y ta fomenta felicidad a largo plaso. Ata con pa cultiva e trayecto comparti aki:

Establece metanan comparti. Sea ta siña un habilidad nobo hunto, biaha, of adopta habitonan mas saludabel, traha den direccion di un meta comun ta profundisa bo conexion. Chekeo regular. Bida ta bira druk, y prioridadnan ta cambia. Tuma tempo pa puntra, "Kico a inspira bo ultimamente?" pa keda sintonisa cu e aspiracionnan di otro. Celebra hunto. Reconoce y alegra den e victorianan di otro, grandi of chikito. Marca logronan ta fortalece bo laso emocional y ta crea recuerdonan duradero.

Conclusion

Relacionnan, mescos cu arte, ta rekeri pasenshi, vision, y cuidao. Door di acepta e Efecto Michelangelo—reconoce e potencial di otro, ofrece encurashamento cu bondad, y crece hunto—bo por crea un relacion cu ta sinti significativo y bunita manera un obra maestra. Un partnership basa riba empoderamento mutuo no solamente ta profundisa amor pero tambe ta fomenta un biahe di por bida di satisfaccion comparti.



HOROSCOPO

Di Siman

Ban mira kico e streanan tin pa nos e siman aki, di 24 di februari te cu 2 di maart 2025. E universo ta den un cambio continuo, y e siman aki no ta un excepcion. Nos ta bay sinti un mescla di emocion, forsa nobo y hopi oportunidad pa crece. Tuma un momento pa refleha riba bo mes, bo metanan, y e relacionnan cu ta importante pa bo. E siman aki ta un bon momento pa scucha bo intuicion, pa papia habri cu otro y pa busca balans den tur loke bo haci. Sea cla pa algun sorpresa, pero corda cu tur cos ta pasa pa un motibo. Laga nos wak kico e streanan tin den tienda pa cada un di nos.

Horoscopo semanal Aries

Bo tin hopi energia e siman aki, ta bon pa tuma iniciativa. Si bo enfoca y tuma riesgo sabi, proyectonan nobo lo bay bon. Den relacion, papia habri cu otro pa evita problema. Tuma tempo pa pensa riba bo metanan personal y trabou. E siman aki ta bon pa cuminsa move mas y pa atende asuntonan di placa. Pone atencion n'e oportunidadnan cu ta surgi spontaneamente, specialmente den e areanan di comunicacion y actividad social. Bo entusiasmo ta contagioso y por inspira otro pa sigui bo ehempel.

Horoscopo semanal Taurus

Bo ta concentra riba placa e siman aki. Planea bo gastonan, busca bon inversion y check bo presupuesto. Den amor, pasa tempo cu bo pareha pa bira mas cerca di otro. Busca actividad cu ta duna bo tranquilidad. Tuma bon cuidou di bo salud y purba

di come mas saludabel. Un periodo di estabilidad emocional ta na caminda, permitiendobo pa disfruta di placeres senciyu di bida. Dedicatempo na actividad cu ta stimula bo creatividad y ta duna bo un sensacion di seguridad.

Horoscopo semanal Gemini

Bo mente ta hopi activo y bo kier expresa bo mes. Sali pa conoce hende nobo, esey lo yuda bo. No stress mucho y busca tempo pa relaha. Papia cla y bon den tur cos cu bo haci. Busca actividad cu ta lanta bo interes. Bo capacidad pa adapta na cambio inespera ta un gran bentaha e siman aki. Flexibilidad y curiosidad lo guia bo na experiencia- y conoci- mentonan nobo.

Horoscopo semanal Cancer

Bo emocionnan ta hopi fuerte e siman aki, ta bon pa pensa riba bo mes y cura bo mes. Pasa tempo cu hende cu bo ta stima pa nan yuda bo. Na trabou, tene pasenshi, wak bon detaye y organisa bo mes. Busca tempo pa bo so, pa pensa riba bo metanan. Busca actividad cu ta haci bo contento. Bo sensibilidad ta na su maximo, permitiendobo pa conecta na un nivel mas profundo cu otro hende. Busca momento di soledad pa re-carga bo energia, y dedica tempo na actividad cu ta trece tranquilidad pa bo alma.

Horoscopo semanal Leo

Bo kier destaca y muestra bo creatividad. Proyectonan creativo lo bay hopi bon y hende lo reconoce bo. Den relacion, sea honesto y fiel pa mantene confiansa. Tuma iniciativa den proyecto cu bo ta stima. Busca actividad pa expresa bo mes. Bo energia carismatico ta atrae atencion positivo, y bo confiansa ta contagioso. Probecha di e energia aki pa pusha proyecto nobo y pa expresa bo mes den un forma autentico.

Horoscopo semanal Virgo

Organisa bo bida y concentra riba bo salud. Haci cos cu ta sigui un rutina y disciplina, esey lo yuda bo. Na trabou, wak bon detaye pa bo bay bon. Busca actividad pa relaha y recarga bo mes. Tuma tempo pa bo mes. Analisa bo situacion actual cu claridad y determina kico ta e miho forma pa avansa den direccion di bo metanan. Busca manera pa mehora bo rutina diario y establece prioridad cla.

Horoscopo semanal Libra

E siman aki ta trata di relacion. Busca balans y

e Poder den Mi

MENSAHE DI DIA

**BO PALABRANAN
tin poder pa
SANA, ELEVA Y INSPIRA.
No tene nan pa bo so.
EXPRESA BONDAD,
COMPARTÍ AMOR,
Y LAGA E MAGIA FLORECE.**

24 FEBRUARI 2025

e Poder den Mi

harmonia cu otro hende. Na trabou, traha hunto cu otro pa bay bon. Tuma decision sabi y purba di no laga nada desbalansa bo. Busca actividad cu ta trankilisa bo mente. Bo habilidad pa negocia y mediator ta na su punto mas halto, haci uzo di esaki den e areanan di conflicto. Practica compasion y empatia den bo interaccionnan diario.

Horoscopo semanal Scorpio

Cos grandi ta bay cambia den bo bida. Pensa riba bo emocionnan y cambia cos malo den bon. Na trabou, uza bo intuicion pa guia bo. Den relacion, busca conexiionnan real. Sea consciente di bo forsa y uza esey sabiamente. Explora bo emocionnan mas profundo, permitiendo bo pa descubri e aspectonan scondi di bo personalidad. Transforma energia negativo den forsa creativo y constructivo.

Horoscopo semanal Sagitario

Bo kier bay rib'un aventura y siña cos nobo. Planea biahe y busca conocimiento nobo. Na trabou, cos nobo ta bay habri. Den relacion, libertad y honestidad ta importante. Busca actividad cu ta stimula bo mente y spirito.

Bo perspectiva optimista ta habri portanan pa oportunidad nobo. Probecha di oportunidad pa siña algo nobo, sea via estudio of exploracion.

Horoscopo semanal Capricornio


Concentra riba bo trabou y placa. Organisa bo mes y sigui disciplina, esey lo yuda bo. Den relacion, estabilidad y compromiso ta importante. Maneha bo tempo bon y busca tempo pa relaha. Concentra riba meta a largo plaso y establece prioridad cu ta alineanan cu bo ambicionnan. Mantene bo determinacion y disciplina den trabou, y dedica tempo n'e actividadnan cu ta trece balans den bo bida.

Horoscopo semanal Acuario

Bo creatividad ta hopi fuerte. Participa den proyectonan nobo y busca ideanan nobo. Den relacion, papia habri cu otro. Busca actividad social y papia cu hende cu ta gusta mescos cu bo. Bo mente ta yen di idea innovador y original. Comparti bo pensamentonan cu otro hende y busca colaboracion cu por amplia bo perspectiva.

Horoscopo semanal Piscis

Bo emocionnan y spiritualidad ta fuerte, conecta cu bo intuicion y pensa riba bo mes. Pasa tempo cu hende cu bo ta stima y busca tempo pa arte y musica, busca paz y recarga bo mes. Bo conexion cu bo intuicion ta mas fuerte e siman aki. Pone atencion na bo soñonan y mensahenan sutil for di bo subconsciente, nan por contene informacion importante pa bo.



CARIBBEAN CINEMAS
VIP
A PREMIUM EXPERIENCE

Caribbean Cinemas
PASEO HERENCIA

COMFORT, FOOD AND COCKTAILS

FOR SHOWTIMES AND ONLINE TICKETING:
WWW.CARIBBEANCINEMAS.COM

☎ **787-999-3292**

📷 @caribbeancinemasaruba

📺 Caribbean Cinemas Aruba

DOWNLOAD OUR APP

GET IT ON
Google Play

Download on the
App Store

Dedicando atencion na Asambeho

Aruba Tourism Authority (A.T.A.) a honra Massive Brass Band durante Lighting Parade

ARUBA Tourism Authority (A.T.A.) a honra Massive Brass Band pa nan contribucion na e tradicion musical di Aruba, cu ta Asambeho. Funda na 2015, y bou guia di Roderich Lopez, Massive Brass Band ta ser considera como un gran parti di e historia musical di Asambeho na Aruba, cu presencia constante den festivalnan local, paradanan den Carnaval di Aruba, Island Festival na San Nicolas y mas. Ta di menciona cu e aña aki ta bira e prome biaha cu Massive Brass Band tin e honor di habri paradanan di carnaval.

A.T.A. ta reconoce creadornan di e musica moderno y cu ritmo autentico di Asambeho fundu na 1960 pa Arnold Beide, Alfonso 'Bulto' Gibbs, y Samuel Hodge. Alabes, A.T.A. ta duna realse na tur cu a sigui cu e tradicion, esta Excelsior Brass Band, YMCA Brassband, Brass Explosion, San Fernando Brothers, Savaneta Brass, The Blue Diamond Brass, Daimari Brass, Good Guys, Academy Brass Intl, Gramling Brass, Jamming Brass, Shiribana Brass Band, Hotel All Stars, Rufo All Stars, Royal Stars, Hell's Angels, Born Losers, The Out Laws, Kids of Fame, DuziDuzi Brass, Little Devil, Dynamic Brass, Energy Brass, Savage Brass, MoonDogs, D2U-365, and Quality Brassband, Aruba Angels Brass Band, Bad Boys Brass Band, y mas.

Aunke cu Asambeho tabata considera como un musica dominante, cu tempo a encontra cu diferente desafio debi na introduccion di musica amplifica, electronico, y cambio di tendencia. Cual ta haci cu mas ainda a bira un motibo adicional pa preserva y rebiba esaki.

Cu determinacion y exposicion riba panorama local, Massive Brand Band a percura pa continua cu e Asambeho riba plataforma internacional cu presentacion na diferente eventonan grandi manera Ahoy Rotterdam Arena, durante marathon di Nijmegen, y Zomer Carnaval na Rotterdam. Mas ainda cu presen-



tacion na Magic Kingdom na Orlando Florida, y mas recien na Gasparilla Parade na Tampa Florida. Cual ta haci cu awe nan ta carga e nomber di Massive Brass Band International.

A.T.A. ta felicita y gradici Massive Brass Band pa nan esfuerso pa preserva y engrandece e cultura autentico di Aruba.



Tema 2025:

Celebracion di 25 aña di Dia Internacional di Lengua Materno

LENGA ta esencial pa enseñansa y desaroyo sostenibel, pasobra lenga ta e medio principal di traspaso di conocimiento y preservacion di cultura. Cu mas o menos 8.324 lenga na mundo awendia, hopi ta core e riesgo di desaparece debi na globalisacion y transformacion social.

Garantisa cu e sistemanan di enseñansa ta respeta e derecho di siña den e lenga materno ta crucial pa mehora e resultadonan di siñamento, ya cu e studiantenan, ora cu nan siña den un lenga cu nan ta compronde totalmente, ta mostra miho habilidad di comprendemento, di compromiso y di pensamento critico.

Enseñansa multilingual, particularmente den e lenganan minoritario y indigena, no solamente ta yuda e alumnonan, sino tambe ta fomenta un conexion mas profundo entre enseñansa y cultura, contribuyendo asina na existencia di sociedadnan mas inclusivo y ekitativo.

E di 25 aniversario di Dia Internacional di Lengua Materno ta marca un cuart siglo di esfuerço pa preserva diversidad linguistico y promove lenga materno. E hecho memorabel aki ta enfatisa e importancia di preservacion di lenga pa salvaguardia patrimonio cultural, mehora enseñansa y fomenta sociedadnan mas pacifico.

Dia Internacional di Lengua Materno, proclama prome pa UNESCO y adopta despues pa Asamblea General di Nacionnan Uni, ta subraya e papel di lenga den promocion di inclusion y den realizacion di e Metanan di Desaroyo Sostenibel (SDG). Enseñansa multilingual no solamente ta promove sociedad inclusivo, sino tambe ta yuda na preserva e lenganan no dominante, minoritario y indigena. E ta un piedra angular pa logra acceso ekitativo na enseñansa y na oportunidad di siñamento pa bida largo pa tur hende.

Salvaguardia diversidad linguistico

Lenga, cu tur su implicacionnan compleho pa identidad, comunicacion, integracion social, enseñansa y desaroyo, tin un importancia strategico pa hende y pa nos planeta tera. Sinembargo, debi na e procesonan di globalisacion, cada bes e lenganan ta mas menasa of, hasta, nan ta desaparece por completo. Ora cu lenga desaparece poco poco, mescos tambe e tapijt rico di diversidad cultural di mundo ta desaparece poco poco. Oportunidad, tradicion, memoria, forman un unico di pensamento y expresion -recursonan valioso pa garantisa un miho futuro- tambe ta bay perdi.

Cada dos siman un lenga ta desaparece hibando cu ne henter

un patrimonio cultural y intelectual. UNESCO ta calcula cu tin 8.324 lenga na mundo, tanto papia como di seña; di nan ta uza ainda mas o menos 7.000 lenga. Solamente algun centenar di lenga realmente a haya nan luga den e sistemanan di enseñansa y den dominio publico, y ta uza menos di shen lenga den mundo digital.

E sociedadnan multilingual y multicultural ta existi danki na nan lenganan, cu ta transmiti y ta preserva conocimiento y cultura tradicional na un forma sostenibel. Cada aña ta celebra Dia Internacional di Lengua Materno pa promove diversidad linguistico y cultural, y multilingualismo.

Loke a pasa prome

Conferencia General di Organisacion di Nacionnan Uni pa Enseñansa, Ciencia y Cultura (UNESCO) a proclama Dia Internacional di Lengua Materno na november 1999. E idea pa celebra Dia Internacional di Lengua Materno tabata un iniciativa di Bangladesh. Asamblea General di Nacionnan Uni a aproba proclamacion di e dia ey den su resolucion di 2002.

Dia 16 di mei 2007 Asamblea General di Nacionnan Uni den su resolucion A/RES/61/266 a haci un apelacion na e Estadonan Miembro “pa promove preservacion y proteccion di tur lenga uza pa e pueblonan di mundo”. Den e mesun resolucion Asamblea General a proclama 2008 como Aña Internacional di Lengua, pa promove union den diversidad y comprension internacional pa medio di multilingualismo y multiculturalismo, y a designa UNESCO como e organismo coordinador di e actividadnan di e Aña ey.

Awendia tin un consenshi creciente cu lenga ta hunga un papel di vital importancia den desaroyo, den garantisacion di diversidad cultural y dialogo intercultural, pero tambe den fortalecimiento di cooperacion y den realizacion di un enseñansa di calidad pa tur hende, den construccion di sociedadnan di conocimiento inclusivo y preservacion di patrimonio cultural, y den mobilisacion di boluntad politico pa aplica e beneficienan di ciencia y tecnologia riba desaroyo sostenibel.

En conexion cu Celebracion di Dia Internacional di Lengua Materno 2025, tur hende ta keda invita na e di dos parti di e charla “Evolucion y Emancipacion di Papiamento” door di Ramon Todd Dandaré Mag.

Ling. na Biblioteca Nacional Aruba diaranson dia 26 di februari 2025 pa 5:30 or di atardi, ora cu porta habri. E charla mes ta cuminsa 6:00 or en punto di atardi!

Un brindis p'e arte di mix y combersa

Awe ta Dia Mundial di e Bartender

TRAS di cada bar, un bartender of bartender no ta djis un persona cu ta sirbi bebida; e ta un artista, un psicologo, un amigo. Dia Mundial di e Bartender ta un oportunidad pa reconoce e rol crucial cu e profesionalnan aki ta hunga den nos bida social. Nan ta mas cu djis mix bebida; nan ta crea experiencia.

Un arte den cada "shake"

E bartender ta un maestro den arte di mix. E ta conoce cada ingrediente, e combinacion perfecto di e sabornan y e tecnica pa crea e cocktail ideal. For di un clasico "Old Fashioned" te un innovador "Molecular Mixology", e bartender ta un creador di experiencia.

Pero e bartender su talento ta bay mas leu cu solamente e mixmento di bebida. Nan ta conocedor di cultura y historia di bebida; nan ta un fuente di informacion p'e cliente cu tin curiosidad pa sa mas di e bebida preferi di e cliente.

Un confidente tras di e bar

E bar no ta djis un luga pa bebe; e ta un espacio social unda hende ta bin pa relaha, combersa y disfruta di un bon

compania. E bartender t'e anfitrión di e espacio aki, creando un ambiente ameno y acogedor. Nan ta scucha storia, comparti hari y ofrece conseho, tur esaki mientras cu ta prepara cocktail. Den hopi ocasion, e bartender ta bira un amigo, un persona cu bo por confia, un persona cu ta scucha bo sin husga bo.

Un brindis p'e bartender

Dia Mundial di e bartender ta un ocasion pa celebra e profesionalnan aki cu ta dedica nan mes na haci nos momentonan mas special. Un brindis pa nan creatividad, nan talento y nan amabilidad.

Con pa celebra e Dia Mundial di bartender

Bishita bo bar favorito y pidi un cocktail special pa celebra e dia. Duna un bon tip na bo bartender como muestra di apreciacion. Comparti un storia di bo bartender favorito riba red social. Participa den un evento special organisa pa celebra e dia. Sea cual sea bo forma di celebra, corda reconoce e rol importante cu e bartender ta hunga den nos bida. Nan ta mas cu djis un persona cu ta sirbi bebida; nan ta parti di nos comunidad.



Cara familiar tur caminda

E don di e superreconocedonan

TIN hende cu ta manera radar di cara. Unda cu nan bay, nan ta reconoce tur hende. Sea ta un bisiña cu nan a topa un biaha so of un actor di pelicula cu nan a wak aña pasa, nan mente ta warda e caranan manera un potret. E personanan aki ta wordo yama "superreconocedonan".

Kico ta un superreconocedo?

Un superreconocedo ta un persona cu tin un habilidad excepcional pa corda y reconoce cara di hende. Nan tin un memoria fotografico increibel. Ta basta pa nan wak un cara un rato so y nan ta cord'e pa semper. Nan ta nota detaye chikito cu otro no ta mira.

E don aki ta nace cu ne of ta siña?

Cientificonan ainda ta studia dicon algun hende tin e habilidad aki. Tin cu ta bisa cu ta algo genetico, mientras cu otro ta kere cu ta algo cu ta siña. Probablemente, e ta un mescla di tur dos. Ta manera un talento musical; bo por nace cu e potencial, pero bo mester practica pa bira experto.

Con bo por bira miho na reconoce cara?

Aunke bo no ta un superreconocedo natural, tin cos cu bo por haci pa mehora bo habilidad di reconoce cara:

Fiha riba detaye: Purba di corda e detayenan unico di cada cara, manera marca di nacemento of un sonrisa particular.

Practica Visualisacion: Cera bo wowo y purba di imagina e cara cu bo a caba di mira.

Hunga weganan di memoria: Weganan manera sudoku of crucigrama ta yuda bo train bo memoria. Tin tambe appnan special pa reconoce cara.

Sali cana riba caya: Ora bo ta cana riba caya, bo ta mira hopi cara diferente. Purba di corda esunnan cu bo a mira.

Skirbi of pinta: Si bo gusta skirbi, crea historia di e personanan cu bo conoce. Si bo gusta pinta, purba di pinta e caranan cu bo a mira.

Unda superreconocedonan ta util?

E superreconocedonan ta hopi valioso den hopi area:

Investigacion criminal: Nan por yuda reconoce e sospechoso den video di vigilancia.

Siguridad: Nan por yuda reconoce e personanan peligroso na aeropuerto of otro luga publico.

Busca hende perdi: Nan habilidad por yuda pa reconoce hende den caso di catastrofe natural

Mercadeo: Nan por yuda analisa comportamiento di consumidornan na luganan publico.

Desbentaha di ta un superreconocedo

Aunke e ta un don special, tin desbentaha tambe:

Nan por bira obsesiona cu reconoce cara.

Nan por sinti cansa mentalmente di corda asina hopi cara.

Nan por sinti incomodo den luga druk.

Nan por frustra ora nan tin dificultad na diferencia e personanan cu ta muestra mescos.

E superreconocedonan ta hende special cu tin un habilidad unico. Nan ta un regalo pa humanidad, ya cu nan por yuda den hopi area importante.

APPAREL

BOAT ACCESSORIES

TODOMAR

Facebook: TodomarAruba | Twitter: @TodomarAruba | Instagram: TodomarAruba | Phone: +297 585 0555

FISHING TACKLE

FIBERGLASS PRODUCTS

Nostalgia Selectivo: Ora nos ta corda solamente e bon recuerdonan di pasado

TUR hende sa kico ta nostalgia, e sentimento cu ta hiba nos bek den pasado. E por trece un sonrisa riba nos cara, un lagrima den nos wowo, of hasta un deseo pa bay bek. Pero, hopi biaha, nos no ta corda tur cos manera el a pasa. Nos mente ta hunga un triki cu nos, y nos ta corda solamente e partinan bon, creando un imagen romantico di pasado. Esaki yama "nostalgia selectivo".

Nos mente tin e custumber di filtra recuerdo, y asina nos ta keda cu e partinan cu ta haci nos sinti bon. Esey ta un manera di proteha nos mes di recuerdo doloroso y pa duna nos un sensacion di siguridad y felicidad. Ora nos pensa riba nos infancia, por ehempel, nos ta corda e hungamento cu amigo, e dianan na lama y e cena familiar dushi. Nos ta lubida e momento cu nos a cay y haya un rasca, of e pleito cu nos ruman.

E nostalgia selectivo aki ta sirbi un proposito importante. E ta yuda nos regula nos emocionnan ora nos ta sinti insegur y ta duna nos un sentido di identidad y autoestima. Ora nos comparti recuerdo bunita cu nos famia y amigo, nos ta sinti mas conecta cu otro. Nos ta forma un comunidad, y nos ta sinti cu nos ta pertenece.

Pero, manera tur cos bon, nostalgia selectivo tin su parti negativo tambe. Si nos ta concentra solamente riba e bon tempo di pasadp, nos por perde contacto cu e realidad di awendia. Nos por

cuminsa sinti cu antes tabata miho cu awo y esey por haci nos infeliz. Tambe, si nos ta keda biba den pasado, nos por haya dificil pa tuma decision importante pa futuro.

Un otro problema cu nostalgia selectivo ta causa, ta arrepentimento. Ora nos ta corda tempo di pasado, nos por cuminsa pensa riba tur e decisionnan cu nos a tuma y tur e camindanan cu nos no a sigui. Nos por cuminsa puntra nos mes: "Kico lo a pasa si mi a haci e cosnan diferente?" E pensamentonan aki por hiba na arrepentimento cronico, cu ta un sentimento cu por stroba nos di sigui padilanti.

Den mundo moderno, tecnologia a haci nostalgia selectivo mas fuerte ainda. Red social manera Instagram y Facebook ta yen di potret y video di momento feliz di pasado. Y plataforma di streaming manera YouTube ta laga nos wak pelicula y scucha musica di nos hubentud. Tur esaki por haci nos sinti cu pasado tabata miho cu awo.

Pero, no laga nostalgia domina bo bida. Si bo ta sinti bo mes ta corda solamente e bon di pasado, purba di corda e partinan dificil tambe. Esey lo yuda bo haya un perspectiva mas realistico di bo pasado y bo lo aprecia mas e presente. Corda, pasado ta un parti di bo historia, pero futuro ta caminda bo ta bay. No laga nostalgia stroba bo di biba plenamente den presente.



Skirbi pa Ruthy "Lady Ruth" Vrieswijk-Bergen

Sabiduria den nos alegria



NOS a cuminsa wak e salida di e Parada di Luz di Carnaval 71 na canal 22 cu e flamante Sandra y un cabayero cu nos no a haya su number. Nos a ripara cu den Vondellaan, na unda e team filmado di canal 22/Top 95 FM ta para, dilanti di nan y na banda di nan no tin e baricadanan cora cu blanco. Un toke bunita pa e pueblo para na banda sinti nan uni cu e participantenan den e gruponan. Nos no sa si ta riba henter e ruta di e Parada di Luz esaki ta asina? Nos no a sigui wak, nos a bay chill den camber scucha dushi musica country via Alexa. Ya pa varios aña nos no ta bay wak ningun parada mas, ta prefera di wak e p'e for di cas na television den un ambiente mas confortabel cu tur cos cerca ey mes. baño, cushina y bo recliner dilanti television. Cu edad aumentando bo interesnan ta cambia y bo ta mas dushi den bo comfortzone rond di bo. Y hopi ta pensa mescos cu Lady Ruth. Tempo nos tabata mas hoben nos tambe a bula baila djodjo den varios parada di Carnaval cu Los Laga Bay y cu Dreamteam St. Cruz. Pa nos, no lo tin e canticanan impactante mas manera tur e canticanan di King Claudius Phillips. Nos no a scucha e festivalnan di tumba y of calypso cu roadmarch e biaha aki na radio ni a wak e na television tampoco. Pero, ta scucha nan na radio Galactica ora nos ta keiro den auto atardi wak e bunita dushi solo baha den lama. Despues di e programa tan gusta y scucha Memories, nan sa bin cu programanan cu musica carnavalesco.

All in all, nos no ta Carnaval minded mas. Preferi di wak un bunita pelicula, pinta of inspira poema, locual nos ta gusta mas y haci hopi hende rond di nos contento cu mi talentonan di scirbi. Prome cu aya bo ta haya mas participante den eleccionnan di reina, awo tur cos ta placa placa placa, manera amiga Philomena Wong den feliz memoria a premira y presinti den su poema di Placa hopi aña pasa, ora cu ya mas y mas por a ripara cu tur kier luhia sin preocupa e debe cu nan tin cu sigui paga despues. Y pa colmo sa rabia tambe ora nan yiu of nieta no sali reina di Carnaval di Aruba. No, shonnan, no ta un joke mas. Pero...ta keda na cada ken pa cu nan mesun decision di curason. Manera ta bisa na Ingles "YOLO", You Only Live Once.

Lady Ruth nunca a gusta e competencianan den eleccionnan di reina durante

aña tampoco, ach, simplemente nos no por cu tanto cosnan falso na hendenan cu normalmente originalmente ta bunita, pero ta tiña, stret cabey, uza wimpers falso di un meter cu nan kier bo mira for di aleu, wowo mitar sera, uffffffffffff, not for me! Tempo Lady Ruth como teenager Ruthy tabata tin 13 of 14 aña, of hasta 15, el a wordo acerca pa participa den competencia di Miss Teenage. Naaaaaaah, nada pa mi! Nos gewoon ta kere cu tur mucha muhe ta bunita riba nan mes. Con bo ta bay scoge entre un Chines, un Hindu, un Africano y un Macamba ofzo? Ta un sorto di discriminacion of no? Enfin, nos ta pro e dushi ambiente alegre si durante e temporada aki di carnaval y nos a decora un parti di nos cas cu mi mesun BAR. Otro cos, awo no ta "Bo amigo didi" mas, awo ta Bar, bo amigo responsabel. Y asina lo sigui, semper lo bin un otro cu su idea y nan ta lubida esnan cu tabata tin caba prome.

Ami tin un "MCP"... Mi chauffeur priva, hahahaha. Laga nos hari un krenchi, pasobra hopi ya a wordo yama nos dilanti pa bay den e mundo mas aya. Nos ta desea e famianan, amigonan y conocirnan cu a despedi di un ser stima hopi condolencia, consuelo y amor. Recorda nan den feliz memoria y semper nan lo ta mas cerca di mente, alma y curason. Tristes ta bay man den man cu alegria tur dia. Nos por tuma bida "One day at a time" cu gradicimento na nos curason y sigui cuida nos mesun salud. Pasa un dushi Carnaval grandi weekend cu ta bin, gosa hopi den famia, y cuida otro. E ta un temporada dushi sigur sin duda, na unda creatividad ta lora su mes den tur sorto di colo den fantasia.

Pabien na tur participantenan y na tur reinanan den nos bunita paradanan den Carnaval 71. Pabien na tur gruponan musical y nan cantantenan. Pabien na tur e scolnan cu a celebra den nan maneranan simpel y colorido tambe e dushi fiesta cultural aki, adapta for di otro partinan di mundo. Lady Ruth no ta desea di papia tocante e beach banda di Strand Politie cu nan a kita for di pueblo na maneranan fini fini pero cu un scop cu pia dobla, pasobra esnan den esaki, no por sigui fingi den un consenshi trankil cu atrobe pa placa placa placa nos muchanan cu nan famia no por sinta bao di e palo di kwihi mas. Ach, toch nos a bisa algo.

Un persona cu a topa nos den supermercado a bisa, cu tur gobierno tin bon y malo, pero cu cada bes e bon ta sigui bira mas malo. Hopi laaf mes! Sin amor pa prohimo riba mesun isla, pero si pa e stranheronan cu ya a haya hopi caba, ta wordo mima cu mas....pa placa placa placa. Amiga Philomena Wong RIP, gran poeta, bo a dal e clabo riba su cabes! Nos ta termina nos relato cu un pabien y danki grandi na Aruba Bank cu otro bunita regalo grandi diki gordo di 100 mil florin na SEPB (Stichting Educacion Profesional Basico) pa promove educacion vocacional y futuro di nos hobennan den area laboral. Ta nan di dos donacion den cuadro di celebracion di 100 aña, un siglo di muestra di confianza di e pueblo di Aruba y e relacion forma di nan cu nos comunidad.

Saludos di Ruthy cu un pic saca na Gloria, un bunita instalacion artistico carnavalesco obra di e gran artista cu estilo unico y super bunita, Elizabeth "Bea" Quilotte Croes.



The middle section of the poster features a background image of a cafe interior. The image is semi-transparent, showing wooden tables and chairs, and lush green plants. Overlaid on this image is the text 'COME IN WE'RE OPEN' in a large, bold, orange font with a white outline and a slight 3D effect. The text is arranged in three lines: 'COME IN', 'WE'RE', and 'OPEN'.

CAYA HARMONIA 1. LOKAAL 2
NOORD (PATRAS CITGO SASAKI)





Control nobo di Banco Central ta atende parti di critica

NA comienso di 2025, Banco Central di Corsou y Sint Maarten (CBCS) a lansa un regimen nobo di supervision basa riba riesgo. Esaki ta sigui critica anterior di, entre otro, Servaas Houben y Ronald Ketellapper riba eficiencia di supervision di e companianan di seguro y fondo di pension. Nan a expresa preocupacion tocante gobernacion, exigencia di raportahe y ehecucion di normanan di solvencia. Cu introduccion di e modelo nobo aki, ta parce cu CBCS ta dunando oido na algun di e puntonan di critica aki, aunke segun expertonan tin espacio pa mehoracion ainda.

Ampliacion

E paso di CBCS pa introduci un sistema di supervision basa riba riesgo ta un movecion importante pa aumenta transparencia y eficiencia den e sector financiero local. E criticanan di Houben y Ketellapper no tabata cos di haci chansa. Nan a indica cu tin problema serio cu e manera cu ta controla e companianan di seguro y fondo di pension. Esaki ta cosnan cu ta toca nos tur, pasobra ta trata di nos placa di pension y nos siguridad financiero.

E sistema nobo ta un intento pa drecha e deficiencianan aki. E ta enfoca mas riba e riesgo real cu cada institucion financiero ta core. Esaki ta nifica cu esnan cu ta core mas tanto riesgo lo wordo controla mas stricto. Esaki ta un manera mas inteligente y eficiente pa haci supervision.

Pero mester keda realistico. No ta pasobra tin un sistema nobo, cu tur cos ta drecha mesora. Expertonan ta bisa cu ainda tin espacio pa mehoracion. Esaki ta nifica cu CBCS mester sigui traha duro pa haci e sistema mas fuerte y efectivo. Mester keda vigila e sector financiero bon pa evita problema den futuro.

Ta bon pa mira cu Banco Central ta scucha critica y ta tuma accion. Esaki ta muestra cu nan ta comprometi pa garantisar estabilidad di nos sistema financiero. Laga nos spera cu e sistema nobo aki ta un paso grandi den bon direccion.

Fuente: Curacao.nu



Luz na final di tunnel

Lista di spera pa material di yudansa pa esunnan cu no ta mira bon na Corsou ta bira mas cortico

BON noticia p'e comunidad di esunnan cu no ta mira bon y esunnan cu ta ciego na Corsou! Danki na un aporte financiero recien di ochenta mil florin na Fundashon Pro Bista, e lista di spera p'e materialnan esencial di yudansa lo bira hopi mas cortico. Esaki ta un paso importante padilanti pa mehora calidad di bida y autonomia di e grupo di hende aki.

E donacion ta resultado di un colaboracion fructifero entre Fundashon Pro Bista y Ministerio di Salubridad Publico, Medio Ambiente y Naturalesa.


Cu e presupuesto extra aki, e fundacion por cumpra material di yudansa cu tin mester di dje cu urgencia, incluyendo palo di cana pa ciego, loop digital y software special cu ta transforma texto den palabra.

E material di yudansa aki ta di balor inestimabel p'e personanan cu tin problema cu bista, pasobra nan ta yuda nan move, lesa y comunica di forma independiente.

"Nos meta final ta pa sostene esunnan cu no ta mira bon y esunnan cu ta ciego den guia un bida pleno y independiente," segun señora Winklaar, director di Fundashon Pro Bista. "E medionan extra aki ta permiti nos duna nan e hermentnan cu nan mester pa vence nan desafionan diario. Nos ta masha gradicido n'e ministerio pa nan apoyo y confianza den nos mision."

E iniciativa ta un contesta directo n'e necesidad urgente p'e materialnan di yudansa cu a keda constata durante un bishita di trabou recien na Fundashon Pro Bista.

E lista di spera largo tabata un estorbo serio pa movilidad y



participacion di esunnan cu no ta mira bon y esunnan cu ta ciego den sociedad. Door di atende e problema aki, accesibilidad na Corsou ta mehora considerabelmente.

E desaroyo aki no solamente ta un triunfo p'e comunidad di esunnan cu no ta mira bon y esunnan cu ta ciego, pero tambe un ehempel di con colaboracion y dedicacion por tin un impacto positivo riba bida di hende.

Laga nos spera cu esaki ta solamente cuminsamento di mas esfuerzo pa crea un sociedad inclusivo y accesibel pa tur hende na Corsou.

Fuente: Curacao.nu



Stimami. Sterilisami.

REGISTRA AWO

Y BENEFICIA DI NOS SUBSIDIO CU TA CUBRI TE CU 45% DI E COSTO DI STERILISACION DI BO MASCOTA Y UN MICROCHIP GRATIS!

PA MAS INFORMACION BISHITA:
WWW.STIMAMISTERILISAMI.COM

BONEIRO

Un respiro p'e studiantenan di Boneiro cu tin studiefinanciering

DESPUES di varios aña di preocupacion y carga financiero, un centenar di estudiante di Boneiro por hala un rosea di alivio. Minister Eppo Bruins a tuma un decision importante pa pordona e debenan di estudio di 373 estudiante cu a haya prestamo di FINEB entre 2004 y 2010. E noticia aki a trece un ola di speranza y alivio pa esunnan cu tabata luchando pa paga nan debenan, hopi biaha den circunstancianan dificil.

E prestamonan di FINEB, destina pa yuda e studiantenan di Boneiro sigui nan estudio avansa, a resulta di ta un carga pisa pa hopi. Hopi estudiante a enfrenta reto financiero serio despues di a gradua y e presion di paga bek e prestamo a bira un fuente di stress constante.

Minister Bruins a reconoce e "situacion estresante" den cual hopi di e debedonan tabata biba y a dicidi cu e gastonan di colecta e debenan restante no tabata proporcional na e sumanan cu ainda mester a wordo cobra.

"Mi ta contento di por a yuda e studiantenan aki haya un comienso nobo," Minister Bruins a declara. "Nos a reconoce

cu e carga financiero di e debenan aki tabata un obstaculo grandi pa nan progreso personal y profesional."

E decision pa pordona un total di \$4,378,045 na debe ta un paso significativo pa duna e studiantenan aki un oportunidad pa un futuro mas stabiel. Hopi di nan por awo enfoca riba nan carera y contribui na nan comunidad sin e peso di debe riba nan schoudernan.

E reaccion di e studiantenan tabata di gratitud y alivio. "Mi tabatin preocupacion pa hopi aña con mi lo bay paga mi debe," un estudiante a comparti. "E noticia aki ta un bendicion. Mi ta sinti un peso grandi lanta for di mi schoudernan."

E decision aki ta un recordatorio cu tras di cada cifra financiero tin un historia humano. E alivio di debe aki ta mas cu simplemente un transaccion financiero; e ta un oportunidad p'e studiantenan aki reconstrui nan bida y alcanza nan soñonan.

Fuente: Dossier Koninkrijksrelaties





Consehonan Insular di BES unanime den resistencia contra cambio di WolBES y FinBES

COMO resultado directo di e Cumbre di BES dia 12 di februari 2025, e Consehonan Insular di Boneiro, Sint Eustatius y Saba a manda un carta conhunto p'e Secretario di Estado di Asuntonan di Reino, Szolt Zsabó.

E carta ta dirigi especificamente n'e cambionan proponi pa Zsabó den e WolBES y FinBES, manera describi den su corepondencia di 6 di februari 2025. E Consehonan Insular a expresa nan preocupacion tocante di e cambionan unilateral di e acuerdonan cu a wordo logra na maart 2024 durante un Conferencia di Trabou na De Bilt.

E consehonan ta opone e cambionan proponi pasobra nan a wordo tuma sin consulta cu e islanan. Nan ta considera esaki un falta di respet p'e palabracionnan anterior.

Den nan carta, e Consehonan Insular a pidi un reunion

di urgencia cu e Secretario di Estado prome cu e cambionan di ley wordo finalisa. Nan ta spera cu un dialogo habri por preveni tension innecesario y garantisca cu e leyman ta refleha e interesnan di tur partido involucra.

E posicion unanime di e consehonan insular ta refleha un determinacion pa proteha autonomia di e islanan y garantisca cu nan tin un bos den e proceso di tuma decision cu ta afecta nan directamente. Nan ta spera cu nan yamada na dialogo lo wordo scucha y cu gobierno central lo tuma nan preocupacionnan na serio.

E asunto aki ta resalta e importancia di un bon comunicacion y colaboracion entre gobierno central y e islanan BES, y ta un recordatorio cu ta importante pa tene cuenta cu e perspectivanan di tur partido den e proceso di tuma decision cu ta afecta e comunidadnan insular.





ACTIVIDADNAN DI SMAC 2025

11 NOV

 11/11 Carnival
Opening

10 AM-12 PM

11 JAN

 Parada di
Flambeu

8 PM-3 AM

12 JAN

 Eleccion di Prins
cu Pancho

6:30-11:30 PM

17 JAN

 Calypso y
Roadmarch
Infantil Hubenil

6:30-11 PM

18 JAN

 Eleccion di Reina
Infantil-Hubenil

6:30-11 PM

19 JAN

 Eleccion di Reina
Grandi y Sra.
Carnaval

6:30-11 PM

25 JAN

Dia di Betico

31 JAN

 Festival di Tumba
Infantil-Hubenil

6:30-10 PM

1 FEB

 Festival di Tumba
Aruba 53

8 PM-3 AM

2 FEB

 Parada di
Fantasia

2-6 PM

7 FEB

 Caiso & Soca
Monarch

8 FEB

 Caiso & Soca
Monarch

14 FEB

 Mascarade Parade
Savaneta

8 PM

14 FEB

Pre Jouve Events

15 FEB

Jouvert Morning

3-10 AM

16 FEB

 Traspaso di
Mando

10 AM-12 PM

16 FEB

 Parada di Mucha
Oranjestad

1-6 PM

19 FEB

 North In'l Sunset
Parade

7 PM-1 AM

21 FEB

 Parada Escolar
Scolnan Pre-
paratorio y Basico
Oranjestad

10 AM-12 PM

22 FEB

 Parada di Mucha
Noord

2-6 PM

22 FEB

 Aruba's Lighting
Parade

8 PM-3 AM

23 FEB

 Parada di Mucha
San Nicolas

1-6 PM

23 FEB

Momito

7-9 PM

27 FEB

Parada di Luz

8 PM-2 AM

28 FEB

 Parada Escolar
Scolnan Avansa
San Nicolas

10 AM-1 PM

28 FEB

 Parada Escolar
Scolnan Avansa
Oranjestad

10 AM-1:30 PM

1 MAR

 Parada Grandi
San Nicolas

11 AM-7 PM

2 MAR

 Parada Grandi
Oranjestad

11 AM-7 PM

2 MAR


Momo

7-10 PM

RECETA DI DIA



Jamaican Oxtail



JAMAICAN Oxtail (Rabo di Baca Jamaikino) ta un plato stoba tradicional y sumamente popular den cushina di Jamaica. E plato ta consisti di rabo di baca, corta na pida, cu ta wordo stoba pa varios ora largo den un saus dushi y spicy.

E combinacion di especienan autentico manera allspice, thyme, y scotch bonnet pepper (pika berdadero di Jamaica of aki na Aruba madame jeanette) ta duna e carni un sabor unico y inigualabel, y ta haci e carni moli te cu e ta cay for di weso of miho bisa, dirti den bo boca.

Ingrediente:

- 2 kg rabo di baca (oxtail), corta na pida
- 2 cuchara grandi di azeta vegetal
- 1 siboyo grandi, corta na pida
- 4 diente di konofló, pica fini
- 2 cm ginger, raspa
- 2 scotch bonnet pepper, corta fini (opcional, pa mas picante)
- 1 cuchara di allspice
- 1 cuchara di thyme seco
- 1 cuchara di paprika
- 1 cuchara di black pepper
- 1 blik di bonchi di manteca (butter beans)
- 3 cuchara di sucu bruin
- 2 cuchara di soysauce
- 2 cuchara di worcestershire sauce
- 2 tomati corta na pida
- 4 pida di scallion
- Sal na gusto
- Awa

Preparacion:

Sasona e rabo: Sasona e pida di rabo cu sal, allspice, thyme, paprika, black pepper, y soysauce. Masahosa e especianan den e carni bon.

Brons e rabo: Den un pan grandi, cayenta e azeta vegetal. Bruin e pida di rabo di tur banda te ora nan bira maron. Saca e rabo for di e pan y pone un banda.

Hasi e saus: Den e mesun pan, agrega e siboyo, konofló, y ginger. Sauté te ora e siboyo bira transparente. Agrega e scotch bonnet pepper (si ta uza), tomati, sucu bruin, y worcestershire sauce. Laga e saus cushina pa algun minuut. Stoba e rabo: Pone e pida di rabo bek den e pan cu e saus. Agrega suficiente awa pa cubri e rabo. Laga e awa herbe, despues baha e candela y tapa e pan. Laga e rabo stoba pa 2-3 ora, of te ora e carni bira moli.

Agrega e bonchi: Agrega e bonchi di manteca y scallion. Laga cushina pa 15 minuut mas.

Sirbi: Sirbi e Jamaican Oxtail cayente, acompaña cu arroz, banana hasa, of funchi.

Conseho:

Pa un sabor mas profundo, sasona e rabo un dia prome y lag'e mara den frigidaire.

Si bo no gusta picante, laga e scotch bonnet pepper afo.

Si bo kier un saus mas diki, agrega un tiki hariña di maishi (cornstarch) mescla cu awa. Sperami cu bo ta disfruta di e Jamaican Oxtail (Rabo di Baca Jamaikino)!



Fortaleza pa Famia

No ta pasobra bo tin rason bo no kier pordona

ORA hende tin rason, ta parce manera hopi biaha na kier negocia cu nan rason enbes di pordona otro.

Y hopi no ta pordona di curason, pasobra nan ta keda para riba e asunto cu ta e otro tin falta y cu nan ta bon sin ningun falta.

Pero e palabra di Dios ta siña nos den 2 Corintionan 2:11 bisando cu nos mester pordona, pa satanas no coy bentaha riba nos, pasobra su trikinan no ta desconoci pa nos.

Si un mucha haci algo robes y su mayor keda zundra di dia y anochi, sin coregi y disciplina e mucha, e situacion ta bira pio, pasobra ningun momento amor no a wordo demostra n'e mucha y e enemigo ta cuminsa ataca su mente cu e pensamento cu mi mayornan no stima mi.

Ora un hobencita a sali na estado y e ta bayendo un iglesia, prome cos cu e ta enemigo ta hinca den su cabes ta pa stop di bay iglesia pasobra tur hende ta papia riba bo, pasobra bo a cay den pica.

Pero ta deber di e iglesia, pa sali busca e hobencita ey y demostre amor, pordon y restaura e mucha completamente, p'e diabel no coy bentaha den su bida cu e mentira di rechaso.

Ora un hoben cu conoce Dios, pero toch ta uza droga, e ta kere cu e no por bay iglesia, pasobra e ta den droga y cu e otronan lo papia riba dje. Pero e ta lubida cu Cristo Hesus a bisa "Bin cerca mi tur cu ta cansa y carga y lo mi duna boso sosiego."

Si tin un problema entre un pareha, mas nan tarda pa drecha e asunto, mas pio e asunto bira, pasobra corda bon cu Señor ta bisa pa no laga solo baha riba boso rabia, no duna luga na diabel.

Ningun caminda den Bijbel no ta para skirbi cu hende tin poder pa castiga un otro hende door di keda sin pordona su prohimo.

Falta di pordon ta gran ladron di felicidad di hende y hasta e ta causa di division den famia, pasobra nan no kier pordona otro hopi, propiedad ta bay perdi.

Hopi biaha cas y edificio ta bay perdi pa motibo di falta di pordon, pasobra hende cu no ta pordona otro no ta comunica cu otro y asina tur cos ta bay perdi. Edificio y cas grandi y luhoso ta bay perdi, pa motibo di hende cu ta kere cu pasobra nan tin rason y nan no mester pordona pasobra nan ta bon hende.

Pa falta di pordon un homber ta divorcia for di un muhe, lagando e muhe y e yiunan riba caya, pasobra e tabata paga e huur, y asina no tin un hende cu por paga e huur, ningun hende por permanece den e cas. Pero ora nos wak bon kico a pasa ta e homber ta esun cu comete adulterio y tambe maltrata e muhe.

Mateo 6:14-15 ta recorda nos cu si nos no pordona, Dios tampoco ta pordona nos.

Mateo 18:35 ta recorda nos kico lo pasa cu nos ora nos no ta pordona di curason.

Marco 11:25 ta recorda nos: "Y ki ora cu boso ta para ta haci oracion, pordona si boso tin algo contra un hende, pa boso Tata cu ta den shelo, tambe pordona boso boso transgrecionnan.

Laga nos pensa bon ta na unda un hende por bay si e no kier pordona, y con su relacion cu Dios lo ta?

No laga ningun hende gaña boso, tur hende mester pordona.



Santo di Dia

Un apostel di perseverancia y fe

Awe ta Dia di San Matias

AWE, 24 di februari, nos ta celebra San Matias, un homber cu a demostra cu fe y perseverancia por cambia historia. Su historia ta un testimonio di con Dios por uza hende comun pa haci cos extraordinario.

Matias no tabata parti di e 12 apostelnan original cu a sigui Hesus durante su ministerio.

E tabata un di e hopi discipelnan cu a sigui Hesus, testigo di su enseñansa, milager, morto y resurreccion. Despues cu Hudas Iskariot a traiciona Hesus y comete suicidio, e 11 apostelnan cu a keda, a sinti e responsabilidad di completa e grupo di 12, manera Hesus mes a institui. Nan a reuni na Jerusalem y a pidi guia di Spirito Santo.


E proceso pa scoge un reemplasante tabata uno di oracion y discernimento. Nan a propone dos candidato: Hose, yama Barsabas, y Matias. Despues di pidi Dios pa muestra nan su voluntad, nan a tira lot. E lot a cay riba Matias, y asina el a bira e

di 12 apostel.

Kico nos por siña di San Matias? Su historia ta recorda nos cu Dios ta yama nos tur pa sirbi, no solamente esunnan cu ta sinti nan mes capacita. E ta recorda nos cu ora nos ta enfrenta dificultad, nos mester busca guia di Dios y confia den su voluntad. E ta recorda nos cu perseverancia den fe ta duna resultado.

Matias a dedica su bida na predica e Evangelio, hibando e bon nobo di Hesus na hopi hende. El a enfrenta persecucion y dificultad, pero el a keda fiel na su yamada. Su bida ta un inspiracion pa nos tur, un ehempel di con nos por biba nos fe cu curashi y dedicacion.

Awe, ora nos ta celebra San Matias, laga nos pidi su intercesion pa nos por sigui su ehempel di fe, perseverancia y curashi. Laga nos pidi Dios pa guia nos den nos bida diario y pa duna nos e forza pa sirbi'E cu alegria y dedicacion. San Matias, resa pa nos.



Den sombra di su halanan

Un encuentro cu paz

TIN biaha, den e coremento di bida diario, nos ta sinti manera nos ta perde nos rumbo. Tur cos ta parece confuso, e preocupacionnan ta pisa y nos ta anhele un momento di tranquilidad. Ta den e momentonan ey cu nos por haya consuelo den e palabranan di Salmo 91:4: "E lo cubri bo cu su plumanan, y bou di su halanan lo bo haya refugio; su fieldad ta un escudo y un baluarte".

E imagen di Dios ta cubri nos cu su halanan ta uno poderoso. E ta evoca e sentimento di wordo protegi, manera un mama galiña ta proteha su puitonan. Den e sombra di su halanan, nos ta haya refugio for di e tormentanan di bida. Nos ta sinti e calor di su amor y e paz cu solamente E por duna.

Pero kico kiermen realmente "haya refugio bou di su halanan"? E no kiermen cu nos no lo enfrenta dificultad mas. Bida ta yen di reto y nos tur lo pasa den momento dificil.

Sinembargo, e kiermen cu memey di tur cos, nos por confia cu Dios ta cu nos. E ta sostene nos, guia nos y duna

nos e forza pa sigui dilanti.

Su fieldad, manera e salmo ta bisa, ta un escudo y un baluarte. Esaki ta nifica cu Dios su amor y compromiso pa nos ta inkebrantabel. E ta fiel na su promesanan, y e lo no bandona nos nunca. Nos por confia den su fieldad, mescos cu un solda ta confia den su escudo y baluarte den tempo di guerra.

Laga nos tuma un momento pa refleha riba e palabranan aki. Laga nos cera nos wowonan y imagina nos mes ta sinta bou di e halanan di Dios. Laga nos sinti su presencia calmo, su amor incondicional. Laga nos entrega nos preocupacionnan na dje, sabiendo cu E tin tur cos bou di control.

N'e momentonan ey di refugio, nos ta haya e paz cu nos curason ta anhele. Nos ta recorda cu nos no ta nos so, cu Dios ta cu nos, semper atento y amoroso. Laga nos sali di e momento ey cu un curason renoba, yen di speranza y confiansa den su presencia. Laga nos biba nos bida cu e siguridad cu, aunke bida trece reto, nos semper por haya refugio den e sombra di su halanan.



Aurora
Royal Pray
Funeral Home & Crematory

Salmo

Juan 3:16

Pasobra Dios a stima mundo asina tanto cu El a duna su unico Yiu, pa tur esunnan cu kere den dje no bay perdí, ma haya bida eterno.

Cu imenso dolor na cos curason, pero conforme cu boluntad di Dios, nos ta anuncia fayecimento di:

Manuel Pedro de Freitas


*11.09.1966 + 20.02.2025

Acto di entierro lo wordo anuncia despues.

Be on your guard;
stand firm in
the faith;
be courageous;
be strong.

1 Corinthians 16:13





“Señor ta mi wardador, mi’n tin falta di nada. Den cunucu di yerba berde e ta pone mi sosega. E ta hiba mi na awa trankil, Pa mi bolbe haya forsa”.

Salmo: 23

Nos ta anuncia fayecimento di:

Po Hing Ching

Mihor conoci como: “Chino”

*13-08-1935 - †21-02-2025

Acto di entierro lo wordo anuncia despues.



"Dios ta amor... y amor ta Dios, maske mi no ta na e mundo aki, tur dia lo mi ta banda di boso Curason, mi por stens di loke Señor ta haci"

Salmo 33

Cu dolor na nos curason, nos ta participa fayecimento di:

Francisca Reineta Croes

Cariñosamente yama “Stella of Jaja”

*20-09-1950 - †19-02-2025

Acto di entierro lo wordo anuncia despues



Señor ta bon y husto
El a mira cu mi tabata cansa y el a tuma mi den su brasan pa mi por sosega.

Cu tristesa pero conforme cu boluntad di Dios, nos ta anuncia fayecimento di

Jan Willem Flanegin

Mihor conoci como “Wim”

02-11-1952 / 17-02-2025

Acto di entierro lo wordo anuncia despues



Behind each tear of grief, hides a smile of memories. Thank you for the beautiful memories we’ve shared with you.

Cu inmenso dolor na nos curazon, pero gradicido pa tur locual el a nifica pa nos, nos ta anuncia fayecimento di nos kerido Pareha, Tata, Tio, Abuelo y Bon amigo:

Sr. Enrique Alfonso Jacopucci

17 januari 1938 - 17 februari 2025

Na number di su pareha: Sra. Elena Duran-Bustos

Su yiunan: Sandra y George Appiah-Jacopucci; Diana Jacopucci

Su nietonan stima: Noëla y Nathan; Ethan (Chacho), Elena (Nenalina), Cynthia (Minina) y Joshua (Joshi joshi)

Su rumannan: †Carmen Atencio de Escudero; Cidia Jacopucci; †Luisa Kusmus; †Eneida Jacopucci

Na Colombia: Daisy Padilla Medina; †José Prudencio Padilla; Dilsey Padilla de Agudelo; Carlos Eliseo Padilla Medina; Eligia Padilla Medina; †Reinaldo José Rosado Padilla; José Gabriel Rosado Padilla; Gabriel José Rosado Padilla

Su sobrinanan stima na Aruba: Magaly Hunt-Kusmus y Madel Jim

Su otro sobrinonan stima na: Corsou, Colombia, Merca, Hulanda y Australia.

Mama di su yiunan: Amparo Echavarría y Gerardo Ortega

Yiunan di su pareha: †Juan Manuel Suarez, Camilo Hernandez, Nicolas Hernandez

Su amigonan di “Schaakvereniging Aruba” (SVA): Chelo Pesqueira y Octavio Croes


Su amigonan di semper: Eddie y Margot Thodé

Demas famia na Aruba, Corsou, Colombia, Merca, Hulanda y Australia.

Un danki special na specialistanan Dr. Caceres, Dr. Jreige, Dr. Franca, Dr. De Jong y enfermeronan di piso B3 na hospital pa e bon cuido y dedicashon pa cu nos ser stima.

Nos disculpa pero después di entierro no ta ricibi bishita di condolencia na cas.

Acto di despedida lo tuma luga diaranson 26 di februari 2025 na Aurora Funeral Home di 2or pa 4or di atardi. Cremacion lo tuma luga den seno familiar.



Señor ta mi wardado, lo mi no tin falta di nada.
E ta pone mi drumi den luganan di yerba berde;
E ta hiba mi canto di awanan keto.

E ta restora mi alma;

E ta guia mi den e camindanan di husticia, pa motibo di Su number.

Maske mi cana den e vaye di sombra di morto, mi no tin miedo di maldad, pasobra Abo ta cu mi. Bo bara y Bo garoti ta consola mi.

Salmo 23 :1-4

Cu dolor na nos curazon pero conforme cu boluntad di Dios, nos ta participa fayecimento di:

Sr. Elio Rafael Rodriguez

Cariñosamente yama “Tatai of Japi”

*22 november 1933 - †16 februari 2025

Mayornan:

†Juan Antonio Rodriguez

†Julia Ramona Rodriguez-Rosa

Esposa:

†Aura Raquel Rodriguez-Tromp

Yiunan:

Esmeralda van den Berg-Rodriguez y Wouter van den Berg; Danilo y Gizet Rodriguez; Humphrey Rodriguez; Jeanila Rodriguez y Lucienne Marten; Rodney Rodriguez y Esposa

Nieto y Nietanan:

Steven Elio van den Berg; Gisdanya Salamatín-Rodriguez y Jade Salamatín; Jeaney Rodriguez y Camiel Wits; Gisdan Rodriguez y Lisette Rodriguez-Helder; Sharina Rodriguez; Noah Rodriguez & Ailen Lovera Rojas; Roxanne Rodriguez; Kyandra Rodriguez; Guido Rodriguez
Bisanieto y bisanietanan: Sebastian Rodriguez, Jadan Salamatín, Giamaylla Rodriguez, Djamilio van den Berg, Jadah Salamatín, Sean van den Berg, Shannaya Rodriguez, Shanella Rodriguez, Jaylah Salamatín, Aaliyah Rodriguez, Luna Wits, Máximo Rodriguez

Rumanan:

Juan del Valle y †Aura Rodriguez-Leest; †Jorge y Anna Rodriguez-Hypolite; Eulogio Rufino y Jinita “Nereida” Rodriguez-Morillo; Israel y Maria Rodriguez-Maduro; Albertina Rodriguez; Elvia y Edwin “Papito” Comenencia-Rodriguez

Sobрино y sobrinanan, primo y primanan, ihanan, bisñanan, amigo y amiganan.

Ex coleganan di AMC Unicon.

Un danki special na Cas Cristelle pa e atencion y cuido. Un danki special na Bisiñanan pa e atencion.

Demas famia: Rodriguez, Tromp, Rosa, Van den Berg, Marten, Leest, Hypolite, Morillo, Maduro, Comenencia, Salamatín, Helder, Wits, Rojas, Odor, Gibbs, Schwengle, Espacia, Kraan, Blankenstein, Amedee, Boekhoudt, Perez, Thode, Vd Logt, Schmidt, Pfoster, Everts, Taekema, Kock, Geerman, Grant, Reyes, Raven, Franken, Lourens, Bargues, Chandler, Gumbs, Krozendijk, Famia na Hulanda y Merca

Ta invita pa acto di despedida cual lo tuma luga na Aurora Funeral Home. Fecha: dialuna 24 di februari 2025

Orario: 2:00-4:00 pm. Cremacion lo tuma luga despues den seno familiar.

Nos disculpa pero despues di despedida nos no por ricibi bishita di condolencia na cas



Lagrima y flornan por seca, su recuerdonan y tur loke el a haci y significa pa nos, lo keda graba pa semper den nos mente y curason.

“Cerca Dios mi alma ta na paz, ta di DJ'E mi salvacion ta bin”

Salmo 62:1

Cu dolor na nos curason, nos ta participa fayecimento di nos ser stima:

Justo Pastor Duran Suarez

*09-09-1960 - †15-02-2025

Na number di su:

Casa: Maria Cecilia Carrillo de Duran

Yiunan:

Jusmary Duran

Josmar Duran

Nietonan:

Flavia, Juan David y Mariana

Mama: Debora Suarez

Papa: † Jose Pastor Duran

Rumannan:

Alvaro Digna, †Rosmira, Ivan y Maria Eugenia, Elvira y Virginia.

Sobrino(a)nan: Aquiles, Mery, Diana, Yendy, Dayana, Edwar, Hector, Diego, Hecmar, Whitney, Kamila, Marviane, Alvaro.

Sua y cuñanan:

Pedro, Pablo, Fredy, Rosa, Eloisa, Yoli, Ana, †Hector, Ava

Amigonan:

Rafael Matute, Josefina, Gabriel, Richard, Moreta, Henry, Yessenia, Ivan, Fernando, Fruteria Virgilio

Demas famia: Duran Suarez, Carrillo Padilla, Caceres Suarez, Carrero Hurtado, Matute Pulgar, Caceres Avendaño, Boscan Torrealba

Ta invita pa acto di despedida y condolencia cual lo tuma luga na Aurora Funeral Home diaranson 26 di februari 2025 di 7'or pa 9'or di anochi. Cremacion lo tuma luga den seno familiar.

Nos disculpa si den nos tristesa nos por a lubida algun famia of conocir.



"Dios ta amor... y amor ta Dios, maske mi no ta na e mundo aki, tur dia lo mi ta banda di boso curason, mi por stens di loke Señor ta haci"
Salmo 33

Cu dolor na nos curason, nos ta anuncia fayecimento di nos mama, wela, bisawela, ruman, prima y amiga:

MARIA LUISA WERLEMAN

Viuda di Leonardo (Nai) Werleman

Cariñosamente yama: "Luisa, Mama, tanta Luisa, Mama Lisha"

*22 november 1928 – †20 februari 2025

Na number di su yiunan:

Ika Werleman y famia; Anna y Bernardo Lee - Werleman y famia; Buchi y Isabel Werleman - Muñoz y famia; Dolores y Luis Machado - Werleman y famia; Rochi y Sita Werleman - Kransen y famia; Leo y Lydia Werleman - Lampe y famia; Enrita y Ingolf Schädlich - Werleman y famia

Rumannan:

Catey y Keta Werleman – Croes y famia; Roly y Rosly Werleman Croes y famia; Chida Croes Werleman y famia

Nietonan:

Michel Lopez, Ikel Lopez, Marcel Lopez, Gerald Croes, Thyanne Lee, Sue – Ann Lee, Andre Werleman, Anne Mary Spataro, Osmar Bakmeyer, Luely Ras, Alejandra Machado, Christian Poppy Machado, Gaby Machado, Nico Machado, Lauranne Kelly, Ryan Werleman, Rachel Añez, Kristrella Werleman, Kristessa Werleman, Randall Oduber, Jeremy Oduber, Melany Oduber y tur bisanieto y bisanietanan.

Su ayudantenan:

Roselen Vloria y Rosa Croes

Dr. di cas Kenneth Croes

Demas primo y primanan, sobrino y sobrinanan, bisiña, amistadnan y tur cu a conoce mama.

Despensa nos si den nos tristeza nos por a lubida algun hende.


Famianan:

Werleman, Lopez, Lee, Machado, Kransen, Lampe, Schädlich, Croes, Spataro, Bakmeyer, Ras, Kelly, Añez, Oduber.

Ta invita pa acto di entierro cual lo tuma luga na Misa Inmaculada Concepcion na Sta Cruz diamars 25 di februari 2025 di 9'or pa 11'or di mainta. Despues lo sali pa Santana Sta Maria na Sta Cruz.

Disculpa nos pero despues di entierro nos no por ricibi bishita di condolencia na cas.

Enbes di flor lo prefera un donacion na Centro Kibrahacha. Lo tin un box disponibel



“Señor ta mi wardador, mi'n tin falta di nada. Den cunucu di yerba berde e ta pone mi sosega. E ta hiba mi na awa trankil, pa mi bolbe haya forza”.
Salmo: 23

Cu inmenso tristesa na nos curason pero conforme cu Dios su boluntad, nos ta participa fayecimento na Hulanda di:

Norman Rogelio Delle

Miho conoci como “Solo”

*17-05-1977 Aruba

†15-11-2024 Hulanda

Na number di su:

Mama: Maria Farro

Tata: †Rogelio Delle

Rumannan:

†Enid Tromp-Delle y Esposo Jairo Tromp; Rodger Christiaans, esposa y famia;

Sobrinonan stima:

Jairo Junior Tromp y famia; Jair Tromp y famia; Yair Christiaans; Daveny Christiaans; Damaris Christiaans; Eliandra Christiaans; Bethany Christiaans; Israella Christiaans

Welo y welanan:

† Sr. Theodoor y † Catharina Farro-Tromp; † Sr. Raymundo Delle y † Bernadeta Delle-Barbolina

Tanta y Omonan y nan famia:

Ludwina Pak-Farro y famia; Stella Farro y famia (Hulanda); Frida La Rosa-Farro y famia; Lita Farro; Robert Farro y Paulita; Doy Farro y Deta Rasmijn y famia; Irma y Franklin Eckmeyer-Farro y famia; Tico Farro y Corry y famia (Hulanda); Nilca y Tico Tromp-Tromp y famia; Anton Kock y famia; Brigida y Lucien Larmonie-Delle; Omaida Delle y yiu; Richard y Lourdes Delle-Tromp; Raymundo y Helga Delle-Faneyte; Mildred y Siegfried Apostel-Delle; Nilva Delle; Mercedes y Rudy Maduro-Delle; Arnolda y Roy Donato; Magriet Delle; Gisella Delle y Ludo Put; Harold Delle; Eugenie Delle y Elton Petronillia

Tur su primo y primanan na Aruba, Corsou y Hulanda.

Padrino y Madrina:

Frida La Rosa; †Hubert Tromp; Franklin Eckmeyer

Demas famia: Delle, Farro, Tromp, Pak, La Rosa, Christiaans, Rasmijn, Eckmeyer, Baarh, Kock, Figaroa, Faro, Leest, Ridderstaat, Quandus, Carrasquero, Geerman, Boekhoudt, Wolff, Cathalina, Gomez, Dreischor, Esser, Lesire, Gomez, Faneyte, Apostel, Maduro, Donato, Put y Petronillia.

Ta invita pa asisti na acto di despedida y condolencia cual lo tuma luga na Aurora Funeral Home dialuna 24 di februari 2025 di 7'or pa 9'or di anochi.

Nos disculpa si den nos tristesa nos por a lubida cualkier famia of conoci



“Señor ta mi wardador, mi’n tin falta di nada
Den cunucu di yerba berde e ta pone mi sosega.
E ta hiba mi na awa trankil,
Pa mi bolbe haya forsa”.
Salmo: 23

Cu dolor na nos curason pero conforme cu boluntad
di Dios, nos ta participa
fayecimento di:

Sr. Roland Narcisio Kock

Cariñosamente yama “Chicho”
*2 September 1952 - †18 Februari 2025

Mayornan:

†Jose Maria Kock
†Maria Kock

Esposa Stima: Anyela Kock

Yiunan: Jahaira y Checquior Mc Bene Courtar-
Chundro; Kiny Kock; Kathleen y Jonathan Roosje-
Kock; Narishma Kock

Yiunan di criansa;
Leangely Rojas; Anghela Mantini

Nieto y nietanan:
Dquon, Jay-Shawn y Sophie, Kysian, Shakely, Jay-
quin y Q-Shain

Suegro y Suegra;
Angel Mantini; †Ana Martinez

Rumanan:
Marcelo y Carmen Luisa Kock; Ricardo y Teresita
Kock; †Ignacio Kock; †Juan y Irma Kock; Lidia
Kock y †Francisco Quandus; Susana y Nelson
Jimenez; Rina y †Roy Reyes

Sobrino y sobrinanan;
Alexandra, Rodney, Jennifer, Magally, Giovanni, Mi-
chel, Marlon, Isha, Ramiro, Lisuri, Lyandra, Danilo,
Andre, Renee, Jobert, Jean Carlo

Mama di su yiunan;
Lauriana Chundro; Norma Vrolijk; Melissa Bareño

Manera Ruman;
Henry Lanoy, Magdalena Castillo, Maria Cornelis,
Shurby Mariah, Ronny Franken,

Bon bisiñanan;
Maria Inez Colina, Martina Espiritusanto Giron y
Elther Polonia, Famia Gordon

Tanta, omo, primo y primanan, ihanan, Musical Time
y tur amigo nan musico, Amigonan di Drag Race,
Aruba Taxi Drivers.


Demas famia; Kock, Geerman, Reyes, Vrolijk, Wer-
net, Mantini-Martinez, Arends, Quandus, Hernandez,
Hassel, Lanoy, Dania, Werleman, Chundro, Mc Bene
Courtar, Bareño, Rasmijn, Silva, Ridderstap, Herrera,
Cornelis, Castillo, Irausquin, Dijo y demás famia y
conocirnan.

Ta invita pa acto di despedida cual lo tuma luga na
Pray Funeral Home San Nicolas, diamars 25 di feb-
ruari 2025 di 5:00-8:00 pm. Cremacion lo tuma luga
despues den seno familiar.

Despues di despedida nos no ta ricibi bishita di con-
dolencia na cas.

No ta acepta pa saca potret y filma e defunto.
Ta pidi pa bisti alegre.

Nos disculpa cu den nos tristesa nos por a lubida un
of otro famia



Ora boso ta tristo y ta hayando mi falta,
busca otro y corda riba e Amor cu mi a comparti cu
boso.
Haya mi falta, pero laga mi bay

Cu inmenso dolor na nos curason, pero conforme cu
boluntad di Dios nos ta anuncia fayecimento di nos
Mama, Wela, Ruman y Tanta:

Shirley Rose de Cuba-Canhigh

*10-01-1949 - †18-02-2025

Na number di su:

Esposu: †Demetrio (Shome) de Cuba
Yiu: Michel de Cuba y esposa Charlotte de Cuba-
Maduro
Nieto: Chamyl de Cuba y Ava Rooijackers
Nieta: Michaline (Micha) de Cuba y Gregory de la
Cruz

Rumanan:

†Alfreda y †Jack Maderbocus y famia na Inglatera;
†Keith y †Sheila Canhigh y famia na Corsou; Betty
y †Frank Wolf y famia na Hulanda; †Cecily Mable y
†Jan Bollebakker y famia na Hulanda; Elaine y Ruben
Giel y famia

Ruman di criansa:

Dennis y Marcela Canhigh y famia

Sobrino(a)nan:

Bibi y famia na Inglatera, Soraya y famia na Inglatera,
David y famia na Corsou, Valerie y famia na Corsou,
Lisa y famia na Corsou, Sharon na Corsou, Suzanne y
famia na Hulanda, Jorina na Hulanda, Marcus y famia
na Hulanda, Eduard y famia na Hulanda, Dhyani y
famia, Clifford y famia na Canada, Albert y famia,
Edward

Cuña y Suanan:

Vdo. Alberto “Boei” de Cuba y famia; Filomena
“Mena” Geerman-de Cuba y famia na Hulanda; Juan
de Cuba y famia; †Tida Henriquez y famia; † Eve
Croes y famia; † Maria Franken y famia; † Jossy de
Cuba y famia; † Dionisia Maduro y famia; † Ignacio
de Cuba y famia; † Lucia de Cuba y famia

Con suegro: Alfred “Freddy” Maduro y famia

Famia cerca: Marlon y Angelique Maduro y famia

Su Ayudante: Yris Perez-Ventura y famia

Tur su Sobrino y Sobrinanan, Primo y Primanan, su
Ihanan, Bisiñanan y Amigonan.

Demas Famianan: de Cuba, Canhigh, Maduro, Giel,
Bollebakker, Wolf, Croes, Koolman, Henriquez, Fran-
ken, Geerman, Krozendijk, Rasmijn, Rollock, Tjon
Sie Fat, Boekhoudt, Thijsen, Gil, de Lange, Vlaun,
Wever, Schwengle, Oduber, Wanga, Perez, Kransen,
Dania, Kelly, Maderbocus, Hayward, Rooijackers,
Evertsz, van der Zwaan, Dreischor, Lacle, Tromp,
Moore, Castillo, Calvo, Rodriquez, Niffikeer, Madho-
signh, Maharajah, Pellicer, Muller, Caster, Tong, de la
Cruz, Marin, Bislip, Vrolijk, Jarzagaray,

Nos ta pidi nos disculpa si den nos tristesa nos por a
lubida un of mas famia.

Entiero lo tuma luga dialuna 24 di februari di 9 am -
11 am na misa Sagrado Curason na Savaneta despues
lo hiba nos defunto stima na su ultimo lugar di sos-
iego na Santana Central Sabana Basora.

Oportunidad pa condolencia: Diabierna 21 februari di
7 pm - 9 pm na Aurora Funeral Home.

Ta duel nos cu nos no por ricibi bishita di condolencia
na cas



The Lord is my shepherd; I shall not want.
He makes me lie down in green pastures.
He leads me beside still waters.
He restores my soul.
He leads me in paths of righteousness
for his name's sake.
Psalm 23: 1-3

We announce the passing of

Simon Rudolf Wilson

*17-01-1954 - †16-02-2025

Left to mourn are his:

Wife: Bozena Wilson-Machinova

Children:

William (Billy) Wilson; Gilbert Conrad Wilson;
Eugene Riginold Wilson & Nhu Wilson-Vo;
Simone Bozena Bains-Wilson & Travis Bains;
Ivonne Cecilia Zimmerman-Wilson and Brian
Zimmerman; Cassidy Ann Vitek-Wilson &
Martin Vitek

Grandchildren:

Aiden Carlton Bains, Alicia Bozena Jane Bains,
Lexington Piatt Wilson, Ellie Komsri & Maia
Emry Wilson

Siblings:

Esline E. Wilson & fam.; Agnes & fam.; Anto-
nio (Tony) Wilson & Ana L. Wilson-Chaves

Nieces & Nephew:

Ruben Hansen, Janine & fam, Pascal Hansen,
Natasha Arends & fam., Justin Wilson, Zosia
Frontczak, Antonio Frontczak, Luenda Alva-
rez & fam., Franklin Wilson & fam., Kenneth
Wilson & fam, Peter Correa & Gloria Amparo
Correa Zuluaga, Ricardo Wilson & fam., Car-
rol & fam, Dorian Wilson & fam, Dylan Wil-
son, Osvaldo Correa, Ezekiel Correa, Rachelle,
Ruthlaine

Good friends:

Laurens D. Tromp, Julio Hernandez & other
friends too many to mention

Neighbors:

Maria Burleson, Anna Pourier, Benita Helder

Related to families:

Wilson, Machnovi, Chaves, Alvarez, Correa,
Bains, Zimmerman, Vitek, Hansen, Arends, Ja-
cobs, Ridderstap, Walker, Ferrari, Monte, Bilio-
so, Frontczak, Gil, Bernabela, Tromp, Dikkens,
Franken, Ras

We apologize if in our sadness we may have for-
gotten a family member or friend.

Opportunity for condolences:

Monday, February 24, 2025, from 7.00 pm to
9.00 pm at Royal Funeral Home.

The funeral will take place on Saturday, March
1, 2025, at Eastview Christian Church at 401
West Union Street Bloomington IL 61701,
USA, From 12.00 pm – 3.00 pm



Scan nos QR code y bira abonado di AWEMainta

Completamente GRATIS

1: Usando bo camera di telefon,
scan nos QR code na banda.

2. Bay riba "Show Options",
"Open in browser".

3. Yena e formulario.

**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



noticia@awemainta.com
aviso@awemainta.com